

經部

欽定四庫全書 張禮集就卷十

經部

詳校信益祭御史臣李陽核 侍讀臣孫球覆勘

校對官中書臣松承志 總校官檢計臣何思釣 腾绿监生臣張元功

次定四車全書 图 在要皆日經要經 江田者者明為 下出也凡服上曰衰下曰裳麻在首 泉大帶綾帶象革帶齊東以下用 低禮果既 是 總 要 管 展 者 東 七 回 反 喪服於五禮屬凶禮 敖繼公 撰

自じて 繼 布 諸侯為天子等而出也 年者可知也注云者者明為下出也者明為下句父 疏曰斬衰裳者謂斬三升布以為衰裳斬衰不言三 與管茅類也凡喪服衰裳冠帶之屬皆因吉服而 以東衣代革帶也齊衰以下用冠布則此其用壮麻 之若首經則不然葢古者未有喪服之時但加此 公謂直經杖者謂經帶用直麻杖用竹也絞帶所 E 卷 絰

たいりし たいよう 著之唯言初服者喪服之行於世其來久矣節文纖 悉人所習見故経但舉大略以記之耳後放此案疏 日斬者何不緝也母七 云斬三升布但據正服而言也正服布三升義服布 以表哀戚後世聖人因而不去且異其大小之制以 二升有半 釋經斬衰裳之文也不緝謂不齊之也其領袖亦 輕重云斬衰自卒哭以至練祥服有變除經皆不 儀禮集就 反

金号巴屋石量 以為帶黃符云反振音革 **直经者麻之有黄者也直经大揭左本在下去五分** 殺也 有純作傳之人未詳說見記後 實言之謂之黃下言壮者對黃為名言矣者對宜生 疏曰爾雅云黄桌實即麻子也以色言之謂之直以 注曰盈手曰搹搹扼也以五分一為殺者象五服之 稱也本謂麻根

衰之帶也去五分一以為帶小功之經大功之帶也去 齊衰之經斬衰之帶也去五分一以為帶大功之經齊 重首婦人重帶經帶大小之義主於男子 而在下所以見其以本為纓也去五分一五分其經 詳重服之經以麻之有本者為之又有爨此經左本 以為斬衰之經經之大惟以楊為度而不言寸數未 之大而去其一也經大帶小見輕重也間傳曰男子 公謂此釋直經之文也麻有黃則老而麤惡矣故

CALID MAIL LILLING

暖 禮 集瓦

五分 直 傳主言斬衰之經帶此則連言之耳 音齊 咨並 杖竹也削杖桐也各齊其心皆下本奔 不脩治故也削杖齊衰之杖也用桐木而又削之所 此主釋苴杖而并及削杖也竹杖而謂之苴者以其 杖大如經則是二杖皆如其首經之度矣各齊其心 别於斬衰者杜元凱曰負削之象行是已小記曰 以為帶總麻之經小功之帶也去五分一以為 字 ずロ

金为四周全章

飲定四車全書 一 病 杖者何爵也無爵而杖者何擔主也非主而杖者何輔 病也童子何以不杖不能病也婦人何以不杖亦不能 也 者 注 謂吉杖也 假之以杖尊其為主也非主謂泉子也 下本所以別於吉凡吉杖下末曲禮曰獻杖者執末 <u></u> 整擔 反市 口爵謂天子諸侯卿大夫士也擔猶假也無爵者 謂其長短以當每人之心為節也皆者皆二杖也 儀禮集節 129

絞带者絕帶也 箭笄髮衰也是其經杖之屬如男子矣妾與女子子 能病而不杖然此章著妻妾女子子之服異者布縱 輔病之義馬童子與婦人皆謂非主者也故但以 有爵者居重喪而設所以優貴者也其後乃生擔主 繼公謂此因廣言用杖不用杖之義無爵者謂大夫 主也而亦杖則似與不能病而不杖之義異 下其子之無爵者及庶人也傳意益謂此杖初為 不

次定四車全書 四 冠 帶則其博當二寸齊衰以下之布帶其博宜亦如之 絕繆條屬右縫冠六升外畢銀而勿灰衰三升屬 繼公謂此釋絞帶之文經言絞帶而傅以絕帶釋之 案公士衆臣為君服布帶則絞帶於虞後變麻服布 疏 者益絞之則為繩矣絞者斜也先儒以此絞帶象革 王藻曰革带博二寸 於義可也 日經帶至虞後變麻服葛絞帶虞後雖不言所變 儀 世 集 莊 五

反丁 亂 繼 疏 注 今之禮家皆以登為升俗誤已行久矣 屬之内以下端鄉上而結於武之左邊以固其冠也 屬者以 上端縫綴於武之右邊也必右邊縫者辟經之爨也其 日鍛 曰屬猶著也布八十縷為升升字當為登登成也 公謂此主釋冠絕纓之丈條屬右經皆謂纓也條 而勿灰者以水濯之勿用灰也 係絕為繆而又屬於武也右縫者以繆

冠於武而畢之也外畢者別於吉也吉冠於武上之 并言冠之布與其制又因冠布而見東布也畢謂終 内縫合之凶冠於武上之外縫合之是其異也言鍛 屬右縫小功以下左是也冠六升以下乃因上文而 於右雜記曰喪冠條屬以别吉凶三年之練冠亦條 不加灰雜記曰加灰錫也則凶服可知云衰三升者 而勿灰者嫌當異於衣也故以明之凡五服之布皆 齊衰大功布繆亦如之惟小功以下則繆在左而屬

於之四事全書 一

儀禮奪就

管優者管非也外納珠 居倚廬寢苫枕塊沒沒送 半是斬衰有二等也升之縷數未詳今呉人謂四十 但以正服言之不及義服也記曰斬衰三升三升有 然傳釋經文止於此其下因言孝子居喪之禮云 注曰納收餘也 縷為烝烝升聲相近或古之遺言與 公謂此釋皆優之文也非者後世喪優之名故云 反扶 **對枕** 反之

歌粥朝一 欠三日東上上 哭晝夜無時 疏口孝子遭父母之喪水漿不入口三日之後乃始 繼公謂此見其哀戚不敢安處也 食雖食猶節之朝夕但各一 注曰哀至則哭不必朝夕 也 注 曰倚廬倚木為廬在門外東方北户皆編奏塊福 溢米夕 溢米郡之六反 儀禮祭記 溢米而已

寢不說經帶說音 既虞翦屏拄楣寢有席食疏食水飲朝一 柱音主疏食音刷 脱明其頃刻不忘哀也 繼公謂溢未詳小爾雅曰一手之盛謂之溢兩手謂 疏 喪莫重於經帶非變除之時及有故則雖寢猶不敢 掬 曰既虞翦屏柱楣者三虞之後乃改舊廬西鄉開 音者 一升也 並 同 哭夕一哭而

次定四華全書 一 既練合外寢始食菜果飯素食哭無時始食如 飲水而已 此異於婦之晝夜無時者也 既卒殯宫朝夕哭故也言而已者明次中之哭止於 繼公謂屏蔽也朝一哭夕一哭於次中為之以是時 而已當以足為度云水飲者恐虞後飲漿酪等故云 也云疏食者用麤疏米為飯明不止朝一溢夕一溢 户翦去户旁與兩厢屏之餘草楣下兩頭豎柱施梁 儀禮集節 如字

哭而已此哭亦在次中凡哭有三無時二有時始死 未殯以前哭不絕聲一無時也既殯以後阼階下朝 聖室也素猶故也謂復 平生時食也 疏曰食謂飯也 後無次中朝夕之哭惟哀至則哭即此所云者三無 夕哭之外有次中畫夜無時之哭二無時也既練之 注日外寢於中門之外屋下壘髮為之不塗壁所謂 公謂哭無時者既練又變而不朝夕哭惟哀至則

父傅曰為父何以斬衰也父至尊也為子為反下並 亦存馬中庸曰父母之喪無貴賤一也云何以斬衰 子之類皆放此此經為父服益主於士禮大夫以上 經云父傅云為父皆謂為父服也下文云君與為天 案注云復平生時食則傳之飯字似當作反 時也既殯之後卒哭之前朝夕哭于阼階下一有時 怪其重也凡傳之為服而發問有怪其重者有怪其 也卒哭之後未練之前朝夕哭于次中二有時也 同異者別出之

次定四車全書 一

儀禮集記

父為長子長知丈反後 諸侯為天子傅曰天子至尊也君傅曰君至尊也 諸侯及公卿大夫士有臣者皆曰君此為之服者諸 輕者讀者宜以意求之 為之三年者異其為嫡加隆之也此嫡子也不云嫡 言士禮以闋上下下放此 而云長者明其嫡而又長故為之服此而不降之也 侯則其大夫士也公卿大夫士則其貴臣也此亦主

得為長子三年不繼祖也 傳曰何以三年也正體于上又乃將所傳重也庶子不 者之弟也 疏衰三年章放此後凡言嫡者亦皆無長言之經文 注曰此言為父後者然後為長子三年重其當先祖 繼公謂祖謂別子也繼祖者大宗子也記曰别子為 之正體又以其將代已為宗廟主也庶子者為父後 互見耳

次至日華全書 ■

後禮泉故

繼祖稱不得為長子三年之說亦似異於經殤小功 而言若小記所謂不繼祖與稱者則無言大宗小宗 庶子服與大夫同則為其適子服亦三年與大夫同 章云大夫公之昆弟為庶子之長殤公之昆弟為其 謂庶子不得為長子三年者其誤矣乎 明矣公之昆弟不繼祖禰者也而其服乃若是則所 之庶子也然經但云父為長子耳傳記乃有庶子不 繼別為宗是也此云不繼祖者惟指大宗之庶子

為人後者為如字下可 **大定马事合告** 傅曰何以三年也受重者必以尊服服之 何如而可為之後同宗則可為之後 義 此言當為同宗者後也自是以下又覆言為人後之 族人乃以支子為之後 不言為所後之父者義可知也禮大宗子死而無子 此釋經意也重謂宗廟之屬尊服謂斬衰 儀禮集就

為所後者之祖父母妻妻之父母昆弟昆弟之子若子 何如而可以為人後支子可也 皆是不限妾子而已 者之母也妻之父母妻之民弟妻之民弟之子於為 注曰若子者為所為後之親如親子 繼公謂必支子者以其不繼祖稱也 疏口變庶言支支者取枝條之義適妻第二子以下 疏曰死者祖父母則為後者之曽祖父母妻即為後

次定四車全書 · 於所後者之親服益可知矣經見為人後者如子之 所後者而或略於其妻黨也其妻黨之服且如是則 於其妻之父母以下乃備言之者嫌受重之思主於 親者惟言所後者之妻益各舉其一以見餘服也至 見從母昆弟也此於尊者惟言所後者之祖父母於 せ 繼公謂言妻之昆弟以見從母言妻之昆弟之子以 後者為外祖父母及舅與内兄弟皆如親子為之服 儀禮 集就

妻為夫傅曰夫至尊也 服僅止於父故傳為凡不見者言之又詳此傳言為 謂之宗子所謂宗子不孤者也非是則無置後之義 等以其在家天父嫁出則天夫是男尊女早之義故 疏曰妻者齊也言與夫齊也夫至尊者雖是體敵齊 以其為宗子故爾葢尊者已老使子孫代領宗事亦 父若父或猶存於祖父若父猶存而子孫得置後者 後者為所後者祖父母服則是所後者死而其祖

次定四車全書 图 女子子在室為父 妾為君傳曰君至尊也 女子猶言婦人也云女子子者見其有父母也在室 妾與臣同故亦以所事者為君春秋傳曰男為人臣 女為人妾 服者皆放此 繼公謂此亦主言士妻之禮以通上下凡婦人之為 同之於君父也 儀禮集說

布總箭等髮衰三年與瓜及 在父之室也與不杖期章適人者對言 男子衰下如深衣深衣則衰無帶下 注曰此妻妾女子子喪服之異於男子者總束髮謂 上日衰下日裳此但言衰不言裳婦人不殊裳衰如 之總者既東其本又總其末箭孫也髽露紒也凡服 掩裳上際也此裳既縫著衣故不須用之 疏曰云深衣則衰無帶下者案下記衣云帶下尺以

傅曰總六升長六寸箭并長尺吉并尺二寸長並直 次記四車全書 當髮者自小飲之時則然矣故士喪禮卒飲婦人髮 注曰總六升者首飾象冠數長六寸謂出紒後所垂 示其異於男子則與男子同者經帶杖優也士喪禮 于室自此以至終喪不變也此言笄總髮衰皆所以 繼公謂髮者露紒之名也此主言成服以後之禮然 不見之者以經惟主言首經故略之 曰婦人牡麻經結本是亦婦人斬衰要經之異者此 . 議 拉 非 就

為飾也 當與男子受冠之布同七升既練則八升也變服之 繼公謂總六升亦但指卒哭以前者也其卒哭以後 差降故五服略為一節皆用一尺而已 總當尺二寸也此箭笄長尺吉笄尺有二寸南宫縚 雖無文大功當與齊衰同八寸小功總麻同一尺吉 疏曰此斬衰總六寸南官縚之妻為姑總八寸以下 之妻為姑榛以為笄亦云一尺則大功以下不容更

子嫁反在父之室為父三年 此發之也凡女行於人其為妻者曰嫁熊為妾者言 見出於父存之時也著之者嫌與未嫁者異也此喪 子女子子也承上經而言故但云子省文耳非經之 父與未嫁者同則其為母以下亦如之可知經特於 經於他處凡言子者皆謂男子言反在父之室明其 正例也又云嫁則為女子子無嫌亦可以不必言女 後其長之異同則未聞當及

次定四重全售 一

儀禮集說

上

公士大夫之衆臣為其君布帶絕屢 李微之日以傳考之疑士即鄉字傳寫誤也 臣為之布帶絕優降於為君之正服所以辟貴臣而 服者亦皆從其本服 繼公謂此亦以其異故著之且明異者之止於是也 之曰適人此惟言嫁者省文耳自父以下凡為此女 不敢與之同也葢此君之尊殺於國君故其臣之為 即所謂諸公也公卿大夫亦仕於諸侯者也其衆

也 者也衆臣杖不以即位近臣君服斯服矣繩屢者絕非 傅曰公卿大夫室老士貴臣其餘皆衆臣也君謂有地 注 疏 服者得以分别貴賤也為公卿大夫之服如此則其 近臣從君喪服無所降也絕非今時不借也 於士又殺可知矣 日謂之不借者此凶樓不得從人借亦不得借 日室老家相也近臣閣寺之屬君嗣君也斯此也

钦定四車全書 四

· 儀禮集就

十六

是乎似失於固矣近臣君服 是也衆臣杖不以即位亦異於貴臣也然則貴臣得 繼 以杖與子同即位者亦以其尊少貶故也經惟言公 卿大夫爾而傅以有地者釋之則無地者其服不如 护 服者也傳言於此亦似非其類 公謂室老家臣之長者也士凡士之為家臣者皆 右斬衰 超十 斯服乃諸侯之近臣從

疏衰裳齊牡麻經冠布纓削杖布帶疏屢三年者 者亦謂麤也以其為之者不一故不偏見其物而以 其冠以此推之則凡布纓皆當同於冠布也屢云疏 繼公謂此冠布纓亦條屬右縫又下傳曰帶緣各視 注曰疏猶麤也 疏言之此衰寒與優皆言疏則斬衰者可知矣又經 以七升布為之即下章帶緣各視其冠是也 疏曰後言齊以先作之後齊之也布帶者亦象革帶

·改定四車全書 |

· 儀禮集託

傅 者沽功也疏優者應蒯之非也無皮表反蒯苦怪 常處而在此也 者此杖之文無所蒙而帶與冠纓之縷數同宜復其 故言沽功 注曰沽猶麤也麤功大功也 日齊者何緝也壮麻者臭麻也壮麻经右本在上冠 疏 前杖布帶皆在冠布纓之下與前章杖帶之次異 日緝則今人謂之緶也此冠七升初入大功之境 後 反 同

处三四重公島 四 右本而在上所以見其不以本為纓而纓亦在左也 為纓一 絕為之自額上而後交於項中一端垂於左之下而 上言左本在下此言右本在上是其為制益屈一 傳故此惟言冠布也不見升數者言活功則為大功 垂而在上為異耳冠布纓之制與繩纓同己見於前 名異也壮麻比直為善故齊衰以下之經用之此經 繼公謂壮麻者無實之麻也傳以泉麻釋之亦前後 端止於右之上而前郷其不纓者則左端不 候禮集就 條

金罗旦屋月 父卒則為母 一母如母 注日尊得伸也 立文也其女子子在室者為此服亦惟笄總髮衰異 繼公謂父在為母期父卒則三年云則者對父在而 之首可知 則無所屈而得伸其私尊也 爾下及後章放此 案注云尊得伸者謂至尊不在

次定日車在馬 ! 敢殊也 慈母如母傳曰慈母者何也傳曰妾之無子者妾子之 明聖人因人情以制禮 繼公謂此禮乃聖人之所為而傳謂孝子不敢殊者 注曰因猶親也 曰繼母何以如母繼母之配父與因母同故孝子不 疏曰繼母者謂已母早卒或被出之後續已母也喪 如親母故云如母 儀禮集就 + 九

養陽 生養之終其身如母死則喪之三年如母貴父之命也 無母者父命妄曰女以為子命子曰女以為母若是則 注曰此主謂大夫士之妾無子妾子之無母父命為 反 疏曰傳別舉售傅以證成已義也貴父之命者一非 為母期矣父卒則皆得伸也 母子者其使養之不命為母子則亦服庶母慈已者 之服可也大夫之妾子父在為母大功則士之妾子

欽定四庫全書 母為長子 者言也 是則其服惟加於庶母一等可也庶母慈已者服見 能自養其子是以不可命為母子但使慈之而已若 母慈己之服者謂妾或自有子或子之母有他故不 繼公謂言喪之三年者以其見於此章故惟據父卒 小功章 骨肉之屬二非配父之尊但惟貴父之命故也 案注云其使養之不命為母子則亦服庶 (儀禮集記 Ŧ

傳曰何以三年也父之所不降母亦不敢降也 夫妻一 得過於子為已也 繼公謂經不著女子子為母及此服之異於男子者 疏曰母為長子齊衰者以子為母服齊衰母為之不 以其已於前章發之則其類皆可得而推故也 不降父母於子其正服但當期初非降服 體故俱為長子三年此加隆之服也不宜云 右齊衰三年

疏東裳齊牡麻經冠布纓削杖布帶疏優期者斯音 至親宜為之齊衰三年乃不出於期者不敢同於母 章凡四條其三言為母其一言為妻也以禮及之為 繼公謂此期服也而杖優之屬皆與三年章同者是 在此也妻以夫為至尊而為之斬衰三年夫以妻為 月而練十三月而祥十五月而禪即是此章者也 疏曰此章雖止一期而禪杖具有案下雜記云十 母宜三年乃或為之期者則以父在若母出故屈而 雞 同

次定四車全書 ~

儀禮集託

产

冠其衰也帶縁各視其冠緣 傅 疏曰此假他問已答之言也降服齊衰四升冠七升 曰問者曰何冠也曰齊衰大功冠其受也總麻小功 屬所以皆與之同也 升義服齊衰六升冠九升受衰九升降服大功衰 其冠為受受衰七升正服齊衰五升冠八升受衰 升冠十升受衰十升正服大功衰八升冠十升受 爾然則二服雖在於期實有三年之義此杖屢之 反以

次足口車在馬 ~ 也云帶縁各視其冠者視猶比也二者之布升數多 冠皆與其受衰升數同故云冠其受也降服小功衰 繼公謂斬衰有二其冠同齊衰三年惟有子為母之 十五升抽其半其冠皆與其衰升數同故曰冠其衰 麻小功并苓帶縁者博陳其義也 少各比擬其冠也然本問齊衰之冠因答大功與總 十升正服小功衰十一升義服小功衰十二升總麻 衰十升義服大功衰九升冠十一升受衰十一升其 辛二

儀禮集就

金发电后有量 麻小功無受布故但冠其衰冠衰布同也問者惟疑 此章之冠答者則想以諸章之冠為言以其下每章 發問也齊衰大功有受布故冠其受冠衰布異也總 重服未練以前與夫輕服之冠衰皆有布緣明矣此 至總麻其布帶與其冠衰之緣亦各以其冠布為 服亦或各自不同故也帶緣各視其冠者謂齊衰 耳是章有降服有正服有義服疑其冠之異同故 間傳曰期而小祥練冠縓縁檀弓曰練衣線緣則

傳曰何以期也屈也至尊在不敢伸其私尊也父必三 年然後娶達子之志也 父在為母 此主言士之子為母也其為繼母慈母亦如之 降服為母也正服為妻也 疏言降服齊衰正服齊衰但可斷自此章而下益此 此復言帶縁者又因其布之與冠同而并及之 所云者是也冠縁者紅也衰縁者其領及祛之純也 案

欠包目上的

俱被集就

主

金好四周分章 達子心喪之志也益夫之於妻宜有三年之思為其 尊者母於子為尊夫不尊之故也 疏曰家無二尊故於母屈而為期不直言尊而言私 俟三年而娶乎春秋傅曰王一歲而有三年之喪二 惟主於達子之志則妻之無子而死者夫其可以不 不可以不降於母是以但服期而已然服雖有限情 繼公謂喪妻者必三年然後娶禮當然爾非必專為 則可伸故必三年然後娶所以終胖合之義馬者謂

傅曰為妻何以期也妻至親也 妻 者也 至親 疏曰妻移天齊體與已同奉宗廟為萬世之主故云 謂后與太子也喪妻之義於此可見 下章傅曰父在則為妻不杖然則此為妻杖謂無父

次定四事全書 图

繼公謂此傳偏釋為妻期服不為過重之意義似未

. 低禮集充

14.0

出妻之子為母 為之服者也七出者無子一也淫決二也不事舅姑 備 疏曰此謂母犯七出去夫氏或適他族或之本家子 諸侯之妻無子不出惟有六出 繼公謂出妻者見出之妻也云出妻之子主於父在 三也口舌四也盗竊五也妬忌六也惡疾七也天子 者也若父没則或有無服者矣如下傳所云者是也

次定四車全書 ! 無施服親者屬 傅 有不然者非達禮也 無施服言所以為外祖父母無服也親者屬言所以 族離絕之族謂父族與母族相絕而不為親也絕族 注曰在旁而及曰施親者屬母子至親無絕道 曰出妻之子為母期則為外祖父母無服傳曰絕族 又此禮亦闋上下言之若妾子之為其出母則亦或 公謂此於其外親但云外祖父母見其重者耳絕 . 後禮集說 둧

體不敢服其私親也 出妻之子為父後者則為出母無服傅曰與尊者為 者為一 言為父後則無父矣乃云出妻之子蒙經文也與尊 下放此 為出母期也此益傳者引舊禮而復引傳以釋之也 母子無絕道固當有服然有服則不可以祭故為父 後則不敢服之有服則不可以祭者吉凶二道不得 體釋為父後也母不配父則子視之為私親

大三日里 在上 父卒繼母嫁從為之服報 繼 子與此繼母皆報也小記曰妾從女君而出則不為 王子雍曰從乎繼母而寄育則為服不從則不 相干故也 女君之子服妾不服之明出妻有服也舊說謂 所以異內外也報者以其服服之之名謂出妻於其 君猶為其子期是已母於子乃亦杖期者既出嫁 公謂父卒而繼母不嫁則為之三年從之嫁則 儀禮亲說 艾 此女 服 期 則

金月日屋人 其既有子矣乃夫没而再嫁尤為非禮故闕之以見 此經言出妻之子為母及子為繼母嫁從之服而獨 義乎傳曰出妻之子為父後者則為出母無服然則 嫁母其從與否皆當為之杖期而經不著之者豈以 無尊加之義故宜報之所以別於在其父之室者也 口何以期也贵終也 嫁母之子自居其室而為父後者亦不為嫁母服也 及於父卒母嫁者今以此二條之禮定之則子於

祖父母 大七日年上日 不杖麻優者 繼公謂大功章曰三月受以小功衰即葛九月此受 注曰此亦齊衰言其異於上 子從之是終為母子也 以大功衰即葛而期為異耳 終者終為母子也以終為貴故服此服也繼母嫁而 右齊衰杖期 低往县瓦 テキ

金少口 傅日何以期也至尊也 世父母叔父母 疏 日父卒然後為祖後者服斬小記曰祖父卒而后為 繼公謂此服惟據父在者言也父沒則服或異矣傳 謂不可以大功之服服至尊故加而為期也 祖母後者三年 二年祖亦加隆至期也 日服之本制若為父期祖合大功為父母加隆 至

繼 疏曰伯言世也欲見繼世也 公謂女子子在室為之亦然惟巴許嫁者則異也 日為姑在室亦如之

傳曰世父叔父何以期也與尊者 之後序夫之昆弟之子於舅姑之後以見親疏尊里 此 之等故不於此言報也若輕服則不然 服皆報不言之而别見者欲序昆弟之子於衆子 體也

於定四車全書 又

低禮集就

六

陳詮日尊者父也所謂昆弟

體也

報之也 솼 則昆弟之子何以亦期也旁尊也不足以加尊馬故 世父叔父期之意 是加服從父民弟之大功則其正服也此釋經文為 昆弟大功世叔父期以此傳及之則世叔父之期乃 為三小功則從父之親宜為二大功也而禮為從父 加一等也以五服差之族之親為四總麻從祖之親 公謂世叔父本是大功之服以其與父一 體故當

次年日華 年書 父子一 夫妻胖合也見弟四體也片善 義有不同故并釋之也 然以其即為世叔父之服者而世叔父亦以此服之 巴非正尊不足以尊加之故也加尊而不報者如父 叔父不以本服服之而報以其為已加隆之服者以 於衆子祖於庶孫之頻是也昆弟之子雖不在此條 加尊者謂以其尊加之也昆弟之子本服亦大功世 一體也夫妻一 體也昆弟一 说 社 集 反 體也故父子首足也 ニナカ

其父則不成為子故有東宫有西宫有南宫有北宫異 金罗里屋人 故昆弟之義無分然而有分者則辟子之私也子不私 居而同財有餘則歸之宗不足則資之宗辟音 言與尊者一體之義雖以三者並言而其音則惟主 言首足胖合四體者皆所以釋其為一體也此又申 也 於昆弟益世叔父乃其父之昆弟所謂與尊者 注曰資取也 體

異官不命之士父子同宫縱同宫亦有隔別為四方 也使民弟之子各自私其父故須分也若兄弟同在 之宫也 疏曰昆弟之義無分者以手足四體本在一身不可 如此若同宫有叔父伯父則為子者何以獨厚於其 張子曰子不私其父則不成為子古之人曲盡人情 分别是昆弟之義不合分也然而分者則辟子之私 官則不成為人子之法案內則云命士以上父子

次定四車全書 見

儀禮集就

= + 世母叔母何以亦期也以名服也 益古者有此稱亦或有以之為氏者故傳引之以證 然夫子夫妻不分而昆弟則分似乖於一體之義故 父為父者又烏得而當之 古之昆弟亦有分而不同宫者馬異居而同財則其 言其理之不容不分者以釋之東宫西宫南宫止宫 所以分之意可見矣宗謂大宗小宗共稱者也 公謂此承上文而言也父子夫妻昆弟俱是一 鳢

大夫之適子為妻通丁敬及下 傳曰父在則為妻不杖則是凡父在為妻而非有所 益謂大夫庶子為妻則異於是惟其適子為妻如邦 降者其服皆然不別適庶也此乃特見大夫之適子 疏曰以配世叔父而生母名則當隨世叔父而服之 序於昆弟之上者益以此包上下而言故居衆人為 繼公謂此釋經文也言以名服見其思疏 故持舉以明之凡大夫之子之服例在正服後今

火之可事之馬 夏

候禮專花

<u>‡</u>

侢 也父在則為妻不杖 故子亦為之不杖期如衆人也若大夫於庶婦降之 繼公謂父之所不降謂大夫為適婦亦大功如衆人 其親服服之 注曰大夫不以尊降適婦者重適也凡不降者謂如 妻之處若重出者乃在正服後也 曰何以期也父之所不降子亦不敢降也何以不杖 而至於不服其子亦降之而至於大功所謂大夫之

· 定宝可車全書 昆弟 為衆子 是其差也降有三品大夫以尊而降公之記弟大夫 注日昆兄也為姊妹在室亦如之 之子以其父之所厭而降為人後者女子子適人者 於父在為母之服也故父沒為母三年乃得為妻杖 以出而降子亦不敢降之說見後 子則從乎大夫而降也父在則為妻不杖者不敢同 儀禮集就 圭

Į.

金りし 昆弟之子傳曰何以期也報之也 大夫之庶子為適昆弟 對適之稱也實則一耳父母為眾子乃期者以尊加 注曰衆子者長子之弟及妾子女子子在室亦如之 泉子同 繼公謂衆子即庶子也對長子立文故曰衆子庶則 其女子子在室者亦如之 之也士妻為妾子亦期凡適而非長父母為之亦與 近々ず 卷十

大定四車全事 傅曰何以期也父之所不降子亦不敢降也 衰章云父為長子則大夫之適亦謂其長子未必指 子也 故連弟言之經中此類多矣不言適子者嫌自為其 為弟者也此云適昆弟者古之文法不可以單言昆 大夫之庶子為昆弟大功嫌於適亦然故以明之斬 昆弟相為亦如大夫為之 注曰大夫雖尊不降其適重之也適子為庶昆弟庶 儀禮集就 Ī

金岁口 適孫傳曰何以期也不敢降其適也有適子者無適孫 孫婦亦如之 其父之所不降者故已亦得遂其服馬非謂以其父 其父而不得不降之耳岩為其父之適及尊同者乃 者不復見之 不降之之故欲降之而不敢降也凡後傳之言若此 注曰周之道適子死則立適孫是適孫將上為祖後 公謂大夫之子於昆弟之屬或有所降者以從乎 ノニー

不同也 繼 為庶孫之婦凡父於将為後者非長子皆期也 疏曰云周道者以其殷道適子死弟乃當先立與此 者也長子在則皆為庶孫耳孫婦亦如之適婦在亦 公謂祖於孫宜降於子一等而大功此期者亦異

读定四車全書 ■

為後者非長子皆期者益以斬衰章惟言父為長子

儀禮暴死

其為適加隆馬爾非不降之謂也有適子者無適孫

孫婦亦如之皆謂適不可二也

案注云儿父於將

為人後者為其父母報上為如字傳 傳曰何以期也不貳斬也何以不貳斬也持重于大宗 通 言其以别於所後者也餘皆放此父母為支子服率 其父母亦報之以期而不復降者以其既為所後 故也鄭言此者為適子死而無適孫者見之且明為 降於為已者一等此支子出為人後者為其父母期 之子統不可二故不敢以正尊加之而報之也 孫亦期之意也適孫為祖父後服與子同 為

者降其小宗也 者以其本為支子故也持猶主也 繼 屬皆是也此為大宗子矣乃復謂所生之家為小宗 者繼別子之後者也小宗者凡庶子之長子適孫之 父不得不降而為期益一重則一輕禮宜然也大宗 疏曰此問雖無母答專據父故以斬而言 父不可二斬不並行既為所後之父斬則於所生之 公謂此一節釋所以服期之意為父固當斬衰然

大三日事 · 《福本成

支子後大宗也適子不得後大宗其素管反 宗者尊之統也大宗者收族者也不可以絕故族人以 也禽獸知母而不知父野人曰父母何算馬都邑之士 天子及其始祖之所自出尊者尊統上早者尊統下大 知尊稱矣大夫及學士則知尊祖矣諸侯及其大祖 後者孰後後大宗也曷為後大宗大宗者尊之統 猶遠也下猶近也收族者謂别親疏序的移大傳 日都邑之士則知尊稱近政化也大祖始封之君

金石口

不通者周道然也 為尊者之統也小宗者族人之所尊而大宗又統乎 之類 疏曰大祖始封者不毁其廟若魯之周公齊之太公 收族人故族人不得不為之立後諸侯言太祖天子 繼公謂此一節承上文言所以後大宗之意尊之統 小宗故言尊之統見其至尊也大宗為尊者之統而 曰繁之以姓而弗別綴之以食而弗殊雖百世昏姻 義禮集說 二十六

欽定四庫全書 言始祖則始祖太祖異矣周祖后稷又祖文王白虎 世世祭其太祖又祭其始祖又祭其始祖之所自出 通義云后稷為始祖文王為太祖此其徵也及謂祭 若殷周之帝嚳也諸侯之太祖世世祭之天子不惟 及之也及其始祖之所自出謂稀也始祖之所自出 者也尊統下諸侯之太祖也此與大宗為族人之尊 謂為祖禰之統者也尊統上天子始祖之所自出 所祭者之尊不同故也尊者天子早者諸侯此尊 卷1 十;

てこうし 也婦人有三從之義無專用之道故未嫁從又既嫁從 傅 女子子通人者為其父母民弟之為父後者通如字 夫夫死從子故父者子之天也夫者妻之天也婦人 為父 得後大宗則大宗亦有時而絕矣 此昆弟不言報是亦為之大功耳 統者義不相關意略相類故假此以發明之適子不 日為父何以期也婦人不貳斬也婦人不貳斬者 議禮集就 手논 何

多好四月全書 貮 宗曰小宗故服期也 為 北 謂 斬者猶曰不貳天也婦人不能貳尊也 宗也婦人雖外成然終不可忌其所由生故以本 昆弟之為父後者何以亦 無如天故以之為比 此 以順為正者也天者取其尊大之義人所尊大者 節釋為其父母也從者順其所為而不違之所 節釋為其昆弟之為父後者也歸宗者所歸之 期也婦人雖在外必有歸

繼 傅曰何以期也傅曰夫死妻稱子幼子無大功之親與 為歸然也其於為父後者特重以其為宗子也以私 為歸宗也歸云者若曰婦人或不安於夫家必以此 服亦宜如之 繼父因母之後夫也其或從繼母而嫁者若為其夫 父同居者 於夫家之宗也 親言之故曰小宗其昆弟雖繼別猶謂之小所以別

次定四車全書 ■

保拉泉就

.‡

道也同居則服齊衰期異居則服齊衰三月必當同居 之築宫廟成時使之祀馬妻不敢與馬若是則繼父之 之適人而所通者亦無大功之親所適者以其貨財為 然後為異居未當同居則不為異居適並如字與音 注曰妻稱謂年未滿五十子幼謂年十五以下大功 親 思服爾未嘗同居則不服之 族妻不敢與馬思雖至親族已絕矣夫不可二此 謂同財者也為之築宫廟於家門之外神不散

|吹定四車全書 || 姑 為夫之君傳曰何以期也從服也 姊妹女子子通人無主者姑姊妹報道如 疏曰夫為君斬故妻從之服期 矣小記言同居異居者與此異更詳之 者具且同居故為服此服若先同居後異居則降而 定服之重輕也然則三者或關其 三月是又於三者之外以居之同異為思之深淺而 儀禮泉就 也 雖同居亦無服 十九九

繼公謂傳之言若此則是子於繼父本無服持以二

故也 容不以其所加者服之云報者服期之義生於已而 為姑姊妹女子子出適者降為大功今以其無主乃 其亦以婦人不能貳斬也與 言報矣然父母為已加一等而已於父母不復加者 不在彼故也女子子適人者為父母自當期固不必 加於降服一等而為之期其姑姊妹於昆弟姪亦不 曰無主者謂其無祭主者也何以期也為其無祭主 基十

傅 父卒然後為祖後者服斬 為君之父母妻長子祖父母 其正服期 注曰此為君矣而有父若祖之喪者謂始封之君也 曰何以期也從服也父母長子君服斬妻則小君也 祖父母尊也乃在下者見其為變服也孫於祖父母 祭主者夫若子若孫也死而無祭主尤可哀憐故加 等大功之服乃得加一等者以其本服如是也

大三日 新人工

儀禮集就

4

若是繼體則其父若祖有廢疾不立父卒者父為君 其非從斬而期故復以小君別言之為小君亦謂之 繼公謂此先總言從服則夫人之服亦在其中矣以 母當齊衰而言斬者以母亦有三年之服故并言之 疏曰云父母長子君服斬者欲見臣從君服期君之 衰亦云斬者以皆三年而略從其文耳父卒然後為 孫宜嗣位而早卒今君受國於曾祖 服者謂其得配於君乃有小君之稱故也為母齊 卷十

金分四

周台書

ただりまたかう 封之君也若是繼體則其父若祖有廢疾不立此 服 其卒於夫死之後者也其夫若在君為之期則臣無 斬然後臣從服期又此言為君之母與其祖母皆指 釋國君有不為君之祖若父也注又云父卒者父為 乃為之斬也益其斬與期惟以父之存沒為制君服 之後亦惟服期以父在故爾惟祖後於父而卒者君 祖後者服斬則是父在而祖之不為君者卒君雖為 也 案注云此為君矣而有义若祖之喪者謂始 儀禮果託 早二 揔

金片四月全書 妾為女君 注乃舉其一而遺其一意似未備 者是也亦或有父為君而卒子既代立而祖乃卒者 者有二有君已即位而父先卒祖後卒者如注所 然後為祖後者服斬之文也夫君之無父而為祖 君之孫宜嗣位而早卒今君受國於曾祖此釋父卒 注曰女君君適妻 公謂此服期與臣為小君之義相類 云 後

傳曰何以期也妄之事女君與婦之事舅好等 或大功或小功總麻乃皆不敢以其服服之而必為 於婦為舅姑服但當期而已然妄於女君其有親者 女君既與婦之事舅姑等則其為女君服亦不宜過 尊者夫也而舅姑次之二事相類故以為况妾之事 之期又所以見其尊之也女君於妾不著其服者親 輕故發問也妾之至尊者君也而女君次之婦之至 禮夫妻體敵妄為君斬衰三年而為女君期嫌其服

東定四車全書

儀禮集花

+

婦為舅姑傅曰何以期也從服也 夫之兄弟之子傅曰何以期也報之也 疎不同則其服亦異故也惟總章見貴妾之服彼盖 子為父母三年加隆之服也妻從其加服故降一等 主於士也若以士之妻言之乃為其無親者耳若有 親者則宜以出降一等者服之 不辨其加與正也餘不見者放此 而為期然則從服者惟順所從者之重輕而為之固

傅曰何以期也妾不得體君為其子得遂也 公妾大夫之妾為其子 子其為服若不服亦然二妾於君之子亦從乎其君 絕之者其妻與夫為一體而從之故不問已子與妾 以明之公國君也 世母叔母服之也其女子子在室亦如之 公與大夫於其子有以正服服之者有以專降之若 二妾之子為母之服異於衆人燻母為其子亦然故

次至四車上書 !

随禮暴起

1

女子子為其祖父母 斬衰章日女子子在室為父對通人者言之也此惟 君之義是以得遂也 有期服初非因君而有之故不得體君則此服無從 而為之其為服若不服皆與女君同惟為其子得逐 見祖父母則是服亦在其中可知矣必復著之者嫌 云女子子而已所以見其在室道人同也然章首已 獨與女君異者則以不得體君故也益母之於子本

飲定四車全書 ₹ 女子子無主者為大夫命婦者唯子不報為大易為同 大夫之子為世父母叔父母子昆弟昆弟之子姑姊妹 傅曰何以期也不敢降其祖也 後 傅以經意為主於適人者而發故云然女子子適人 之語與大夫為祖父母之傳意同皆失之也說見於 不降其祖者不敢以兄弟之服服至尊也此不敢降 出 則亦或降之如其為父母然也 後禮集就

者君命其夫為大夫則亦命其妻矣此於其子不別 若又無祭主乃加一等而為期大夫之妻謂之命婦 而 子昆弟昆弟之子為大夫命婦與其父尊同故不降 以大夫之尊厭降為大功若適士則又以出降為小 繼公謂大夫之子從其父亦降旁親一等世叔父母 注曰此所為者凡六命夫六命婦 今以其為命婦故不復以尊降惟以出降為大功 服期若姑姊妹女子子服亦本期也其在室者則

為大夫妻者也無主者命婦之無祭主者也何以言惟 子子云無主則是夫先卒也夫為大夫而先卒其妻 有大夫為適孫為士者之服則此昆弟之子為其父 適庶以父在故爾傳曰有適子者無適孫是也是章 用大夫之禮可知 猶用命婦之禮馬以是推之則當為大夫而已者亦 曰大夫者其男子之為大夫者也命婦者其婦人之 之通孫者雖不為大夫已亦不降之也又姑姊妹女

次定四華 二

儀禮集說

四十五

其餘皆報也何以期也父之所不降子亦不敢降也大 夫曷為不降命婦也夫尊于朝妻貴於室矣適如字朝 子不報也女子子通人者為其父母期故言不報也言 有祭主者如衆人 也傅以女子子釋之似失之矣女子子適人者為其 注曰無主者命婦之無祭主謂姑姊妹女子子也其 父自當期乃不在不報中者以與其餘報服同故略 公謂經言惟子不報謂男子為父三年與期服異 المالية 於定四車全書 **同** 者益怪其無爵而不降之夫尊於朝則妻貴於室言 曷為不降命婦承父之所不降者而問也此不降命 降等者服之亦貴貴之意也惟父卒乃如衆人大夫 其夫妻一體同尊早也是以不降之尊於朝謂為大 命婦或大功或小功皆不以尊降之惟以出降耳問 婦據大夫於其子之姑姊妹女子子也大夫為此四 言之也又世父母叔父母昆弟昆弟之子為大夫命 婦乃於大夫之子亦報之者益以其父之故不敢以 保恤具就

伸 大夫為祖父母通孫為士者 曰何以 者也上已見祖父母適孫矣此復著大夫之禮則經 夫貴於室謂為內子 注曰不敢降其祖與適則可降其旁親也 士也明矣 祖父通孫為士也乃合祖母言之所謂妻從夫爵 不見為服之人者雖曰通上下言之而實則主於 期也不敢降其祖與適也

文是四車全書 一 公妾以及士妾為其父母 妾 馬季長曰公謂諸侯其間有卿大夫妄故言以及士 言似有害於義理 欲降此親但以其為祖與適故不敢降之也此傳之 降祖與適者聖人制禮使之然也非謂大夫之意亦 不降者以其為祖與適也大夫所以降其旁親而不 繼公謂大夫於為士者之服則降之此亦為士也乃 儀禮集就 **数**十七

傳曰何以期也妄不得體君得為其父母遂也 妾又以見是服不以其君之尊里而異也 傳意葢謂安於其父母亦本自有服非因君而服之 其私親或與為人妻者異故以明之云公妾以及士 遂其服者惟自為其子耳若其私親則無與於不 在其中矣復言此者猶嫌為人妾者屈於其君則為 不得體君則為之得遂然妄以不得體君之故 公謂此妾云女子子適人者為其父母則是服 而 2

於定四華全書 P 疏衰裳齊牡麻經無受者 繼 衰三月與大功同者絕屢 義似誤也 受則惟三月可知故不復見月數 注曰無受者服是服而除不以輕服受之小記曰齊 君之義益女君雖體君亦未見有重降其私親者傳 公謂受者以輕衰受重衰也成人齊衰之服而無 右齊衰不杖期 儀禮集就 四十八

傅 寄公為所寓 月也言與民同也 繼 服至葵又反服之既葵而除之 注 日寄公者何也失地之君也何以為所寓服齊衰二 注 已失國則異於諸侯又寓於他邦之地則不可不為 曰諸便五月而葵而服齊衰三月者三月而藏其 公謂經傳不見諸侯相為服之禮是無服也寄公 日寓亦寄也為所寄之國君服 Įi 1:1:1

丈夫婦人為宗子宗子之母妻 繼公謂丈夫者男子之與大宗絕屬者也婦人者謂 注曰宗子繼別之後百世不遷所謂大宗也 之服也 辟天子也諸侯之大夫為天子總衰既葵除之特制 有此耳故不以其葵月為節也不特制為國君服者 月而葵此為之服者則止於三月以齊衰之輕者惟 其君服然非臣也故但齊衰三月而與民同國君五

た三日日 からう

儀禮集說

哗九

傳曰何以齊衰三月也尊祖也尊祖故敬宗敬宗者尊 祖之義也宗子之母在則不為宗子之妻服 為别子之後者乃所以尊别子也故曰敬宗者尊祖 宗子之母妻若在嫂叔之列者則不服之益親者且 也然其尊祖之誠無由自盡故於敬宗見之益敬其 别子為祖繼別為宗祖者已之所自出也算之重本 無服疏者可知 絕屬之女子子在室者及宗婦也丈夫婦人於宗子 315 塞1 十,

|金灯四周全書

為舊君君之母妻 為此服益其母尚在故也此義與宗子不孤而死族 子之妻其服與否惟以其母之在不在為節則宗子 君亦謂舊君也在國而云舊君者明其不見為臣也 人不以宗子服之者意實相類 之母雖老而妻代主家事若先其母而卒族人亦不 之宗子之母在則不為宗子之妻服者謂族人於宗 之義也此為宗子與其母妻服皆敬宗之事故傳言

於定四車全書

风往集就

傳 月也言與民同也君之母妻則小君也 此 君服者思深於民 注 曰為舊君者孰謂也仕馬而已者也何以服齊衰三 位則不宜服斬以同於見為臣者而臣於君又無期 繼公謂已猶止也鄭氏以為致仕是也此當仕矣今 在國其服宜異於民乃亦齊衰三月者益不在其 服大夫士同之 曰仕馬而已者謂老若有廢疾而致仕者也為小

於包里在 庶人為國君 者則不服也畿內之民其服天子亦當如此乃不著 疏曰云庶人在官者謂府史胥徒 注曰不言民而言庶人庶人或有在官者 服則亦異於民矣 之者則此經惟主為侯國而作益可見矣 公謂庶人此服夫妻同之非在官與在官與當家 保禮集政 <u>+</u>

服故但齊衰三月而不嫌其與民同也然又為小君

大夫在外其妻長子為舊國君 皆為之齊衰三月而已又為君之母妻若去國則不 已服之外妻子又為之服也去國且若是則在國可 明妻子亦在外也大夫於舊君思深故雖去國而於 此承庶人之下故但據其妻與長子言之云舊國君 妻亦不服之矣 服其母妻也士之異於此者長子無服若去國則夫 知大夫在位與其長子俱為君服斬妻服期去位則

也 傳曰何以服齊衰三月也妻言與民同也長子言未去 繼父不同居者 子亦宜然也何必大夫乎傅似失之 繼公謂為繼父同居者期而為異居者不降一等為 其為服之意若但如是而已則士之在外者妻與長 疏曰此則期章所云必當同居然後為異居者也 注曰當同居今不同

死包日 Line ■

儀禮集就

季二

傅 曽祖父母 弟之服服至尊也 曾猶重也謂祖之上又有祖也 父於子同居異居皆不為服知不為服者二章無報 大功乃服此服者恩同於父不敢以早服褻之也繼 文且齊衰三月不可用於早者也 疏曰三年問云至親以期斷然則何以三年也曰加 日何以齊衰三月也小功者兄弟之服也不敢以兄

金岁四月月

大三日月 上十 宜施於至算故服以齊東三月馬此其日月雖減於 曾祖之本服言也曾祖本小功以其為兄弟之服不 髙祖宜怨麻 謂與曽祖之父本服在總麻若以此傳義推之則亦 繼 隆馬爾也是本為父期則為祖宜大功曾祖宜小功 功而衰麻之屬實過於大功且專為尊者之服是 公謂兄弟之服大功以下皆是也小功者據當為 日月之多寡有所不計禮有似殺而實隆者此之

儀禮集就

五十二

金分四,周分量 大夫為宗子 傳曰何以服齊衰三月也大夫不敢降其宗也 當齊衰而經不言之者益高祖立孫亦鮮有相及者 也 其尊者爾 亦與宗子絕屬者也前條云丈夫婦人為宗子宗子 云大夫為宗子不云命婦又不云宗子之母妻各見 之母妻大夫此服既如聚人則命婦亦宜然也此但

酱君 聽膏澤下於民有故而去則君使人導之出疆又先 禮馬如此則為之服矣為舊君之義二說盡之 此即在外之大夫為之也子思子曰古之君子進人 者亦服之如邦人可知矣 於其所往去三年不反然後收其田里此之謂三有 以禮退人以禮故有舊君反服之禮孟子曰諫行言 言不敢降則是宗子為士也絕屬者且不降則有親

文記回車 Les

儀禮祭託

五十四

傳 宗廟故服齊東三月也言與民同也何大夫之謂乎言 曾祖父母為士者如衆人為如 其以道去君而猶未絕也 此 曰大夫為舊君何以服齊衰三月也大夫去君婦其 曰何以齊衰三月也大夫不敢降其祖也 不云如士而云如泉人是庶人之服亦或如士禮矣 云君埽其宗廟見猶望其復及之意所謂猶未絕者 也然則已絕者其不為此服乎亦似與經意異矣 **月** ノコー CIUDINA LIAIN IN 女子子嫁者未嫁者為曾祖父母 故傳於此以大夫言之非專取為士之文也 祖之齊衰期不可降而為大功曾祖之齊衰三月又 曾祖者益尊服止於齊衰三月其自大功以下則 此不降之服似不必言未嫁者經蓋顧大功章立文 至尊者不用馬故父母之三年可降而為齊衰期而 耳女子子之適人者降其父母一等乃不降其祖與 經言大夫為宗子舊君曾祖父母為士者益連文也 镁禮泉就 <u>I</u>

何 傅 以服齊衰三月不敢降其祖也 矣 妻亦有降其本族之旁親與士妻異者乎又所謂成 傳意謂嫁於大夫者雖尊猶不敢降其祖然則大夫 曰嫁者其嫁于大夫者也未嫁者成人而未嫁者也 不可降而無服此所以二祖之服俱不降也 人而未嫁者與不敢降之意尤不相通傳似失其旨 右齊衰三月

Chal Direct Links 子女子子之長鴉中鴉長知大反 大功布衰裳牡麻經無受者 疏曰中殤或從上或從下是則殤有三等制服惟有 注日殤者男女未冠笄而死可殤者也 功下殤無服矣聖人之意然也 注曰大功布者其鍛治之功沽廳也 等者欲使大功下殤有服故也若服亦三等則大 公謂言子又言女子子以殊之是經之正例凡言 镁禮集說 五 十 、

文縟丧未成人者其文不緣故殤之經不楊垂益未成 傳曰何以大功也未成人也何以無受也喪成人者其 人也年十九至十六為長殤十五至十二為中殤十 至八歲為下殤不滿八歲以下皆為無服之殤無服之殤 言男女為殤之節如此則是古者男女必二十乃冠 笄明矣 俱從本服而降者以齊衰服重不宜用之於殤也經 子者皆謂男子益可見矣此子之殤服不分適庶但

金分四周在書

とこうました 名之死則哭之未名則不哭也與音辱然居 謂生一月者哭之一日也殤而無服者哭之而已 注 繼公謂文謂禮文也楊當作緣檀弓曰齊衰而緣經 疏曰未名則不哭者不以日易月而哭也 有繆者不絞其繆而散之此亦異於成人者故以 正謂此也緣絞也經謂首經也垂者其纓也殤經之 日易月以日易月之殤殤而無服故子生三月則父 日縟猶數也其文數者謂變除之節也以日易月 銀禮集就 蚪 證

銀好四月全書 當服之限是以略之然其恩之輕重與殤之在總麻 者 之無服之殤以日易月惟用於凡有齊斬之親者自 大功之親以下則否葢齊斬之長殤中殤大功下 殤 無服故大功以下者不必與無服之殤以日易月之 下之親則否者大功之下殤在總麻則七歲者自 相等故不可不計日而哭之若滿七歲者哭之八 功以次言之則七歲以下猶宜有服但以其不入 四日 則亦近於總麻之日月矣是其差也知大功

殤夫之昆弟之子女子子之長殤中殤 叔父之長殤中傷姑姊妹之長殤中鴉昆弟之長殤中 他親之哭與否亦以此為節此義與婦之未廟見而 死者相類 则是未之見也未見則未成父子之恩故不哭也其 子者法之未名則不哭者子見於父父乃名之未名 哭可也子生三月則父名之者三月天時一變故名 小功章云昆弟之子女子子夫之昆弟之子女子子

於定四車全書

儀禮集就

通孫之長殤中殤大夫之庶子為適昆弟之長殤中殤 公為適子之長殤中殤大夫為適子之長殤中殤 女子子今以下章例之復及其尊早親疎之次則知 之下殤則此服亦夫妻同也是章中不見昆弟之子 注曰重適也天子亦如之 亦當有此七字葢傳寫者以其文同故脫之耳 故於此惟言適子也 疏日諸侯於庶子則絕而無服大夫於庶子降一 一等

其長殤皆九月纓經其中殤七月不纓經 繆經亦右本在上其異於成人者散而不絞爾繆經 注 必二十而後冠如衆人矣 以見其差輕也此經雖不纓猶以麻之有本者為之 於大功九月故此七月者亦有大功而不繆經所 日経有繆者為其重也 公謂纓経謂纓其經也纓即經之垂者此大功之 公謂公亦有為適子長殤之服則國君之世子亦

文室四事 在

儀禮亲院

支

月者 大功布東裳牡麻經纓布帶三月受以小功衰即萬九 麻同 繼 注曰受猶承也即就也間傳曰大功之葛與小功之 功言之乃因輕以見重且明有纓者之止於此也受 以其為大功之服也 公謂齊衰以上其經皆不言經繆故於此成人大 右殤大功九月七月

其等同者若所不可得而絕者亦服此服也其姑姊 後嫌與之同亦且明受衰之止於此也此三月受服 而除之婦人異於男子者不葛帶耳小功亦然櫃弓 以小功衰者說大功布衰裳而以小功布衰裳受之 而服問又言君主適婦之喪是諸侯雖無大功而於 上下同之章内有君為姑姊妹女子子嫁於國君者 也即葛說麻經帶就葛經帶也三月而變衰葛九月 口婦人不為帶此章持著受月者以承上經無受之

次定四車全書

(後 往 年 乱

傳 疏曰云大功布九升小功布十一升者此章有降有 其卒哭之節道婦雖內喪而其禮則比於命婦但三 妹女子子之嫁於國君者為外喪君之受服固不視 義則衰九升冠十一升十升者降小功十一升者正 注曰此受之下也以發傳者明受盡於此也 月而獎故君亦惟三月而受服也 日大功布九升小功布十一升 正有義降則衰七升冠十升正則衰八升冠亦十升

次 是四車全書 姑姊妹女子子適人者追如 等之受布亦可見矣 此義服大功以其小功至葵唯有變麻服萬因故衰 見一等者但以其一一相當者言也觀此則其上二 繼公謂大功布三等受布二等此於大功與受布各 無受服之法故傳據義大功而言也 之受者鄭云此受之下據受之下發傳者明受盡於 小功傅以受服不言降大功與正大功直言義大功 . 低禮

從 傅 父昆弟 日何以大功也出也 繼 不杖期章不持著為此親在室者之服益以此條見 注曰世父叔父之子也其姊妹在室亦如之 之益經之例然也其他不見者放此 出者降其本親之服故此亦降之也 別也故以明之從祖之義亦然 公謂世叔父之子謂之從父民弟者言此親從父

大元司庫人生 適婦 庶 昆弟也等傅同 為人後者為其昆弟傅曰何以大功也為人後者降其 孫 其姊妹在室亦如之 至尊故加隆而為之期祖父母於庶孫以尊加之故 孫言庶者對適立文也孫於祖父母本服大功以其 不報而以本服服之也 儀禮杂記 空

金万口匠人 傳曰何以大功也不降其適也 女子子適人者為眾民弟通如 注曰適婦適子之妻言適者從夫名 異其為適故加一等也 服舅姑期舅姑以正尊而加尊馬故例為之小功此 亦加隆之服為之大功非不降之謂也婦從其夫而 昆弟云泉對為父後者立文也是亦主言父沒者之 禮矣禮女子子成人而未嫁或逆降其旁親之期服

大臣可事 在 反結 姪丈夫婦人報傅曰姪者何也謂吾姑者吾謂之姪妊 皆指始之已適人者而言益以姓或成人或在下殤 此言已適人者乃為其昆弟大功則是其旁親之期 以上則姑亦鮮有在室者矣姪之婦人在室適人 **嫌若偏指昆弟之女然故雨見之經凡於為姪之服** 必言丈夫婦人者明男女皆謂之姪也若但云姪則 服之不可以逆降者惟此耳 儀禮集記 1:4:1 同

金クロガノニ 夫之祖父母世父母叔父母 夫之昆弟何以無服也其夫屬乎父道者妻皆母道也 傅曰何以大功也從服也 其夫屬乎子道者妻皆婦道也謂弟之妻婦者是嫂亦 章首已見為姑適人者之服此似不必言報疑報字 此釋經意也 不言夫之世父母叔父母報文略也 誤則衍

可謂之母乎故名者人治之大者也可無慎乎 繼公謂為夫之祖父母世叔父母大功皆從夫之期 服者也夫為其記弟亦期妻若從而服之亦當大功 之子婦之類也此據男子所為服者而言故繼之曰 母矣而可乎言其不可爾 朱子曰傳意本謂弟妻不得為婦兄妻不得為母故 今乃無服故因而發傳母道婦道謂世叔母及昆弟 反言以話之曰若謂弟妻為婦則是兄妻亦可謂之

·飲定四車全書

儀禮集就

者則可若等不列於母卑不列於婦則不為之服以 謂弟之妻婦者是嫂亦可謂之母乎益以當時有謂 其無母婦之名也故為昆弟之妻無服經之此條主 謂男子為婦人來嫁於已族者之服惟在母婦之行 弟妻為婦者故引而正之以言其不可也傳之意益 弟何以無服亦據妻不從夫而服其昆弟發問亦是 於妻為其夫之黨傳以從服釋之是也又云夫之見 也顏乃以男子不服昆弟之妻為答此不惟失所

次定四車全書 四 大夫為世父母叔父母子昆弟昆弟之子為士者為 夫之昆弟當從服而乃不從服其無服之義生於婦 為士者一等雖世叔父母亦降之所以見貴貴之意 遠之彼似善於此矣爾雅曰弟之妻為婦 注曰子謂庶子 之意又與夫之昆弟所以無服之義相違益婦人於 人而非起於男子也櫃弓曰嫂叔之無服也益推而 公謂大夫於士為異爵故其喪服例降其旁親之 儀禮集說 茳

傳 公之庶昆弟大夫之庶子為母妻昆弟 注曰專同謂亦為大夫者親服期 曰何以大功也尊不同也尊同則得服其親服 子此云大夫互見其人以相備也 勝也不杖期章為此親之為大夫命婦者云大夫之 繼公謂母妻及昆弟之尊同者若不宜降而此二 其或為母謂妄子也昆弟庶昆弟也 注曰公之庶昆弟則父卒也大夫之庶子則父在也

傅曰何以大功也先君餘尊之所厭不得過大功也大 非謂其親之以厭而降者亦僅止於此也且此昆弟 昆弟不類乃並言此者益主於其庶子之為母妻耳 之子此服之外更有而降在大功者其多寡與公之 之公之昆弟其親之以厭而降者僅止於此若大夫 之降大夫之子皆然亦不專在於庶 服故也其所厭雖有遠近之異而意義實同故並言 降之者則皆以死者為其父尊之所厭而不得伸其

次定四車全書 一

保按專玩

空

降也康於 夫之庶子則從乎大夫而降也父之所不降子亦不敢 降調適也 降謂尊降之義在大夫而不已也益國君於旁期而 繼公謂厭謂厭其所為服者也不得過大功謂使服 注曰言從乎大夫而降則於父卒如國人也父所不 下皆以尊厭而絕之此三人者皆君所絕者也尊者 之者不得過此而伸其服也大夫之子從乎大夫而

大臣司事在曹 大夫之所降者也其子亦從其父而降之一等為大 服者或以尊加之而降一等亦謂之厭此三人者皆 以同者備矣而諸侯大夫尊厭輕重遠近之差亦略 無餘尊也此傳言公之昆弟大夫之庶子是服之所 功與公子父没之禮同大夫沒子乃得伸其服以其 之所厭是以公子為此三人止於大功也大夫於所 而為母若妻於五服之外君没矣其死者猶為餘尊 之子必從其父而為服故君在則公子於昆弟無服 镁禮集苑 华七

皆為其從父昆弟之為大夫者為大 大夫之子也大夫公之昆弟於此親則等同也大夫 先儒乃以天子之子同於公子之禮似誤也 弟之為公子者不降其從父昆弟之為大夫者則知 親服春秋傅曰公子之重視大夫公之昆弟降其昆 此文承上經兩條而言則皆云者皆大夫公之昆弟 於是乎見馬推而上之則天子之所厭者又可知矣 之子於此親則亦以其父之所不降者也故皆服其

飲定四庫全書 大夫之妾為君之庶子 為夫之昆弟之婦人子適人者 此服亦從乎其君而服之也大夫為庶子大功女子 與或言女子子或言婦人子互文以見其同爾 繼公謂是服夫妻同也上經不言夫為之者其文脫 疏曰此謂世叔母為之服 注曰婦人子者女子子也 先君餘尊之所厭止於上三人耳 (養養集 六

女子子嫁者未嫁者為世父母叔父母姑姊妹 及時也 異則士之妾不言可知矣 子在室亦如之妄為君之長子亦三年自為其子期 繼公謂此著其降之之節異於他親也在室而逆降 注曰女子子成人者有出道降旁親及將出者明當 經於妄為君之黨服皆略之惟著大夫之妾以見其 正言此七人者益世父母叔父母與姑之期為旁尊

次定四車全書 一 傅曰嫁者其嫁于大夫者也未嫁者成人而未嫁者也 何以大功也妾為君之黨服得與女君同下言為世父 服惟以適人為節以此見逆降之服無報禮也 巴下皆於未嫁而略從出降明其異於父母昆弟也 子適人者此世父母而下為凡女子子之降服也其 之耳又前經見姊妹適人者及為夫之昆弟之婦人 之加服姊妹之期雖本服然以其外成也故并世父 此服無為妻為妾之異經惟以嫁為言者約文以包 .儀禮集就

母叔父母姑姊妹者謂妾自服其私親也 疏曰不辭者不是解義言辭也即實為妄遂自服其 經與此同足以見之矣 之齊衰三月章日女子子嫁者未嫁者為自祖父母 注曰此不辭即實為妄遂自服其私親當言其以明 者為其父母又云公妾以及士妾為其父母皆言其 私親當言其以明之者案不杖期章云女子子適人 以明其為私親今此不言其明非妄為私親 卷十

言大夫於此庶子女子子或以尊降之或以其尊同而 然也妄為君之黨服得與女君同釋所以大功之意 其言如此何以大功怪其甲賤而服之降否如尊者 服之故其降若否亦視君以為節而不得不與女君 而此服亦大功者以是三人者皆君之黨已因君而 不降皆在大功妻體其夫服宜如之若妾則不體君 同固無嫌於早賤也然此但可以釋為君之庶子之 公謂傳者以此經合於上謂皆大夫之妾為之故

飲定四車全書 一

镁禮東乾

+

為女子子未嫁者之禮且凡云嫁者皆指凡嫁於人 文若并女子子未嫁者言之則不合於經蓋經初無 者之通禮經必不特為此妾發之又此妾為私親大 者而言非必謂行於大夫而后為嫁也又謂為世父 故強生嫁於大夫之義以自傅會既以女子子嫁者 於分句之不審又求其為嫁者大功之說而不可得 功者亦不止於是也傳說俱失之詳傳者之意蓋失 母以下皆妄為私親之服亦不合於經益此乃適人

大是日本在的 之文同足以明其不當如舊說也 夫之妾至未嫁者之經文而釋之故已釋其所謂本 嫁者為曾祖父母經與此同足以明之矣者謂二經 氏移之爾 條者之肯復以下言云云併釋下經今在此者乃鄭 尾衝決兩無所當實甚誤也及此傳文其始益引大 以為亦大夫之妾為之遂使一條之意析而為二首 未嫁者屬於上條則為世父母以下之文無所屬又 案注云齊衰三月章曰女子子嫁者未 儀禮集就 ギニ

金少世是人 嫁于大夫者 大夫大夫之妻大夫之子公之昆弟為姑姊妹女子子 若為此姑姊妹又但為本服耳葢婦人之嫁者於其 乎大夫而為之也大夫之妻為此女子子其義亦然 大夫公之昆弟為此服則尊同也大夫之子則亦從 夫之妻者以惟此條可與之相通故因而見之也凡 功也經言大夫大夫之子為服者多矣於是乃著大 兄弟惟有出降而已姑姊妹雖不為命婦猶為之大 寒十一

飲定四軍全書 傳 君為姑姊妹女子子嫁于國君者 曰何以大功也尊同也尊同則得服其親 先於君其姊妹與其孫則不厭之固矣 則是先君餘尊之所厭亦不及於其嫁出之女也若 夫同之耳又及公之昆弟為此姊妹惟在出降之科 於夫於其昆弟之列者又無服惟在子列而下乃與 妻為夫之族類於其姊妹與其在父列以上者率降 上條例之則夫人公子之服亦當然也 . 後 被某就 ナナ 服

已敢者齊體之故亦例以尊同者視之而如其出嫁 也 孫不得祖諸侯此自早別於尊者也若公子之子孫 **候之子稱公子公子不得禰先君公子之子稱公孫** 命婦者也夫人命婦雖非有爵者然此三人以其與 繼公謂尊同謂君於為夫人者大夫公之昆弟於為 疏曰問者以諸侯絶旁期大功降 之服不敢絕之降之也此 卷十 節釋經之文義 等今此大功故

次定四車全書 一 於早者也別並彼 有封為國君者則世世祖是人也不祖公子此自尊別 其親故終說此義云 君者祖此受封之君不復祀別子也因國君以尊降 則其廟不可上及於為君者身為國君則其廟不 繼公謂早謂為臣者也尊謂為君者也言身為人臣 以下祭其祖禰則世世祖是人不祖公子者後世為 注曰不得禰不得祖不得立其廟而祭之也卿大夫 · 後世集記

是故始封之君不臣諸父昆弟封君之子不臣諸父而 虚廟於公官左之最東以為行禮之所及封君沒則 祖公子如晉不祖桓叔而祖武公是其事也 於馬祀之謂之大廟而為百世之祖也祖封君而不 之時其祖考之廟在故家自若也不復更立而立 也此言封君之後世世祖封君不祖公子則是封君 之原别於早者所以明貴貴之義聖人制禮之意然 上及於為臣者是謂別之也別於尊者所以塞借上

臣昆弟封君之孫盡臣諸父昆弟虚子 敢臣之封君之子所謂昆弟者即始封君之子始封 封君謂之昆弟而未當臣之者也故封君之子亦不 故始封之君不敢臣之封君之子所謂諸父者即始 諸父昆弟者即始封君之子所臣之毘弟及其子也 朱子曰始封君之諸父昆弟始封君之父未嘗臣之 故封君之孫亦臣之故下文繼之以君之所不服子 君害臣之者也故封君之子亦臣之封君之孫所謂

飲定四車全書

供禮集瓦

敢服也 故君之所為服子亦不敢不服也君之所不服子亦不 之也 繼公謂此因上云公子之子孫有封為國君者而言 亦不敢服也君之所為服子亦不敢不服也 没則歸之所謂不敢服者今則皆服之矣但其為先 皆視其君而為之此專指公子之公在者言也若公 言此者以其與上文意義相類也謂公子之服與否

次是四華全書 ! 總衰家杜麻經既葵除之者處音 帶縁各視其冠又記云總衰冠八升則此帶亦八升 月而除則經未必繆也其度亦未聞前齊衰章傅云 既其乃除之其時大夫若會若否其除之節同也七 此服特為諸侯之大夫為天子而制故必於其七月 敢不服之意與前傳所謂不敢降者同後放此 君餘尊所厭者乃降之如為母妻昆弟大功是也不 右大功九月 儀禮禁我 艾

1

傳曰總衰者何以小功之總也 矣又此承大功之下疑其亦用絕優與齊衰三月者 同益服至專之優或當然也 輕也升數少者以服至算也凡布細而疏者謂之總 注曰治其鏤如小功而成布四升半細其縷者以思 繼公謂云何以又云小功之德則總之麤細亦不 今南陽有鄧總 矣小功之布有三等此總衰之縷其如小功之上者

飲定四車全書 傅 諸侯之大夫為天子 舊國君之服也 接見乎天子者謂為天子所接見也經惟言諸侯 曰何以德衰也諸侯之大夫以時接見乎天子追及 故為之變而制此總衰馬不齊衰三月者亦辟於其 疏曰此經直云大夫則大夫中有孤卿也 之大夫於天子為陪臣不可以服斬又不可以無服 繼 公謂惟言諸侯之大夫則其士庶不服可知諸 ·儀禮集就 ţ

.1-注曰深者治去享垢也小記曰下殤小功帶深麻不 功布衰寒澡麻帶經五月者深音 天子服者乎 同故也带在經上者小功以下經帶斷本此殤小功 疏曰上文多以一 絕本屈而反以報之 大夫而傳意乃爾若然則諸侯之大夫其亦有不為 右總衰 經包二此別言帶者欲見與經不

叔父之下殤適孫之下殤民弟之下殤大夫庶子為適 昆弟之下殤為姑姊妹女子子之下殤 無約也 中有下殤小功帶不絕本故進帶於經上以見重也 此章別言女子子之下殤而不見公之下殤又公為 大功立文也不言壮麻與無受者可知也 繼公謂小功布之縷麤於怨之縷矣乃曰小功者對 又此不言布帶文略也不言優者當與下章同吉優

飲定四車全書

熊禮茶丸

+++

傅 為人後者為其昆弟從父昆弟之長獨為人 之殇中從下題員 為從父昆弟者異人也經文省耳其姊妹之殤亦如 適子大夫為適子之下殤亦不見皆文脫 皆謂服其成人也此主謂丈夫之為殤者服也凡不 日問者曰中殤何以不見也大功之殤中從上小功 曰問者據從父昆弟之下殤在總麻也大功小功 字 耳

為夫之叔父之長殤昆弟之子女子子夫之昆弟之子 異其從上從下之制亦因以見義云從父昆弟之殤 繼公謂大功之殤始見於此而又不言中殤故發問 丈夫與女子子在室者為之同也然則此傳亦煎婦 已於麻本有無之類見之矣此復以二者之中寫各 也喪服之等其重者自大功而上輕者自小功而下 見者以此求之 人之為其親族之為殤者言矣凡不見者以此求之

次至四車全書 一八

. 後世集起

大夫公之昆弟大夫之子為其昆弟庶子姑姊妹女子 女子子之下殤為姪庶孫丈夫婦人之長殤 注日云公之昆弟為庶子之長殤則知公之昆弟猶 夫婦人者明庶孫之文不可以無男女亦為其與姪 姓之殤服亦姑之適人者為之也於無孫之下言丈 子之長殤 連文故也

炎皇四華全書 图 大夫之妄為庶子之長殤 專主於大夫故也 降之意前章詳之矣此已為大夫不應有昆與姊之 弟則亦以其父之所厭而降也大夫大夫之子所以 殤而此經乃爾蓋以昆弟姊妹宜連文且此條亦不 怨 繼公謂其中殤亦從上若下殤則不服之蓋大夫無 注曰君之庶子 服也公之昆弟於庶子而下則為以尊而降於昆 儀禮慕茲 七十九

金りひたくご 亦然是雖大功之殤亦中從上益女君之為此子與 夫同而妄為君之黨或得與女君同故皆宜中從上 功布豪棠壮麻經即葛五月者 繼公謂上已言君之庶子故此略之為君之女子子 而不可以婦人之從服者例論也其下殤亦不服之 右殤小功五月 適子之下殤益文脫耳 此所不見者子之下殤公為適子大夫為 塞十 次定四車全書 ~ 從祖祖父母從祖父母報 不言也 注 為無受布也即葛不云三月者已於大功章見之故 繼公謂經不言深可知也此變麻即萬乃不易衰者 屡無約也 也間傳曰小功之葛與總之麻同舊說小功以下吉 注曰小功輕三月變麻因故衰以就葛經帶而五月 曰祖父之昆弟之親 . 儀禮泉說

白いて 從 從父姊妹孫適人者適 祖昆弟 案注意謂從祖 此 疏曰三者為三小功也 注曰父之從父昆弟之子 之昆弟之子故曰祖父之昆弟之親也 繼公謂此與為之者尊卑雖異亦旁尊也故報之於 即言報者略輕服齊衰大功重報服或别見之 祖父乃祖父之昆弟從祖父乃祖父 人如同字 下

次定四車全書 图 為人後者為其姊妹適人者為人 皆不見是於本服降一等者止於此親爾所以然者 之屬不言報省文也記曰為人後者於兄弟降一等 旁親皆以所後者之親疎為服不在此數矣此姊妹 經於前章為人後者惟見其父母昆弟姊妹之服餘 女 以其與已為一體也然則自此之外凡小宗之正親 三者適人其法同云適人則為女孫無嫌故不必言 儀禮果說

金与り 為外祖父母傅曰何以小功也以尊加也 從母丈夫婦人報 功宜也非以尊加也 者當降於其母二等母為父母期子為外祖父母小 尊云者謂其為母之父母也子之從其母而服母黨 日從母母之姊妹丈夫婦人姊妹之子男女同 公謂從母之義與從父同以其在母列故但以從 近くごう 卷十

傳曰何以小功也以名加也外親之服皆總也 詳之 報之也經凡三以丈夫婦人連文而所指各異讀者 在此云外親之服皆總以見此為加也然外親之服 母乃報之者以其為母黨之旁尊不足以加尊馬故 有在總者則以其從與報而為之不得不然耳非故 母為姊妹大功子從服當總以有母名故加一等而 母為稱丈夫婦人即為從母服者也此為加服而從

火之日車全書 图

係往禁託

夫之姑姊妹娣姒婦 注曰夫之姑姊妹不殊在室及嫁者因恩輕略從嫁 輕之令例皆總也又為外祖父母亦從服之常禮也 姑姊妹在室者期正服也出嫁者大功降服也妻不 繼公謂為夫之姑姊妹從服也乃小功者惟從其夫 降娣奴婦者兄弟之妻相名也 而在小功乃云皆總何哉 之降服也記曰夫之所為兄弟服妻降一等夫為其 報

則生小功之親馬 明矣 其不以夫爵之尊早而異也先娣後似則娣長似稱 從 恐為其出嫁者或與夫同服則失從服之義也此為 隨其夫之正服降服而為升降者從服者宜有一定 日娣似婦者姊長也何以小功也以為相與居室中 之制而不必隨時變易也所以不從其夫之正服者 服故姑姊妹言報娣奴婦固相為矣亦言報者明

次是写事在世司 图

儀禮集記

子 三 大夫大夫之子公之昆弟為從父昆弟庶孫姑姊妹女 者有不並居室者亦未必有常共居室者而相為服 服假令從服亦僅可以及於其昆弟之身不可以復 也釋娣婦之為長婦也其下亦似有脫文 之義惟主於此者益本其禮之所由生者言也娣長 則以居室相親不可無服故爾然二人或有並居室 婦人於夫之昆弟當從服以遠嫌之故而止之故無 及其妻也然則娣姒婦無相為服之義而禮有之者

飲定四車全書 題 大夫之妾為庶子適人者 子子適士者道如 為大夫者乃小功者以其非公子也周之定制諸侯 者也經之例多類此公之昆弟於其從父昆弟之不 父死子繼不立昆弟於此亦可見矣 繼公謂此姑姊妹女子子再降故其服在此不言適 人而言適士者所以見從父昆弟及庶孫亦謂為士 注曰從父昆弟及庶孫亦謂為士者 係禮無紀 1+1

為君之庶子及其女子子之服若其君之他親則無 皆主於男子也此非已子故其服如此若為已之女 子子在室期適人亦大功又故喪服記與小記言妾 繼公謂女子子不必言庶文有脫誤也經凡言庶子 為君之長子之服大功章及此章凡三見大夫之妾 於大夫亦大功 曰君之庶子女子子也庶女子子在室大功其嫁 馬然則凡妾之從乎其君而服其君之黨者止於

次定四年之時 庶婦 從服君母不在則不服 君母之父母從母傅曰何以小功也君母在則不敢不 適婦也 者思實輕也凡庶子為君母如適子 注曰君母父之適妻也從母君母之姊妹不敢不 庶婦為舅姑期舅姑乃再降之為小功者所以别於 此耳是亦異於女君者也 傷在集就 服

君子子為庶母慈已者 君 其君母之父母姊妹彼於此子則無服也益庶子以 姊妹之子故略而不 君母之故不得不服其親而彼之視已實非外孫與 繼 已母之父母或亦無服之 疏 母不在則不服者别於已之外親也此庶子雖 曰不在者或出或死也君母在既為君母父母其 公謂君母在則不敢不從服者以其配父尊之也 服 服

已加也 傳曰君子子者貴人之子也為庶母何以小功也以慈 為母子者也 注日內則曰異為孺子室於宫中擇於諸母與可者 不在或有他故不能自養其子而庶母代養之不命 繼公謂此服固適妻之子為之若妾子則謂其母或 必求其寬裕慈惠温良恭敬慎而寡言者使為子師 注曰君子子者大夫及公子之適妻子

大三日日日本人は本日

保禮集就

其次為慈母其次為保母皆居子室他人無事不往 慈母也士之妻自養其子 不言師保慈母居中服之可知也國君世子生十士 然也大夫之子公子之子於庶母亦當總麻以從其 之妻大夫之妾使食子三年而出見於公宫則的非 有加固小功矣此云君子子者明雖有贵者其服猶 父而降遂不服其於慈已者加在小功若又從父而 公謂禮為庶母總謂士及其子也其慈已者恩宜

總麻三月者 其意雖異而禮則各有所當也云君子子則父在也 夫於庶母本無服故也 總益不可以過於因母也若為大夫則不服之以大 父在且伸此服則父没可知矣其為父後者則但服 父在而為不慈己者之服同也正者降之加者伸之 降則宜在總麻今乃不降而從其加服者與其與凡 右小功五 月

文·巴马·巨人·西

儀禮祭記

午七

傳曰總者十五升抽其半有事其縷無事其布曰總 省文 言麻者多以經帶言也 者以其服與成人無異也齊衰三月不言絕屢大功 注曰總麻總布衰裳而麻經帶也不言衰經略輕 則文彌略也 不言冠布纓小功不言布帶總麻不言衰經服彌 繼公謂輕服既葵即除之故但三月也不別見殤服 案注以麻為言麻經帶者益經傳 輕

亦以異於錫衰也此布七升有半乃在小功之下者 為布則成布七升有半也此比於他服之布為稍疏 繼公謂十五升者將為十五升布之緣也抽其半而 總冠綠纓 注曰謂之總者治其緣細如絲也抽猶去也雜記 也曰總者益治其緣則緣細如絲故取此義而名之 於他布之緣為最細細者所以見其為輕喪疏者 以明其非古布若布縷之或治或否其意亦猶是

次定四車全書 三

保禮集就

族曾祖父母族祖父母族父母族昆弟 注 大功在總衰之上是也升數雖少 者 者也族屬也骨內相連屬以其親盡恐相疏故以族 疏 其縷 恕 則重細者則 曰 曰曾祖昆弟之親也 麻在 此 即 細也凡五服之布皆以縷之嚴細為序其嚴 禮記云四世而總服之窮也名為四總麻 小功之下是也 輕故升數雖多而縷蟲猶居於前如 而緩細 猶居於 復

飲定四庫全書 ~ 庶孫之婦 變言族者明親盡於此也凡有親者皆曰族記曰三 言之耳 文脱耳夫之祖父母於庶孫之婦其本服當小功以 庶孫之婦總則適孫之婦小功也小功章不見之者 繼公謂以從父從祖者差之則此乃從曾祖之親也 族之不虞是也 於適孫之婦故亦降一等而在 it イナル

庶孫之中殤中依汪 從 中傷者字之誤爾又諸言中者皆連上下也 注曰庶孫者成人大功其傷中從上此當為下傷言 者未嫁者之服又以此條徵之則女子之逆降 云報者謂亦既過人乃降之也小功章已不著嫁 祖姑姊妹適人者報 不及大功而下者矣適人者為此親非報服略言 固

大定四華全書 外孫 從祖父從祖昆弟之長殤 益以從祖祖父未必有在殤者也此與經不見曾祖 之父及曾孫之子之服者意頗相類 繼公謂上章之首連言三小功此惟見其二者之殤 疏曰以女外適而生故云外孫 注曰女子子之子 注曰不見中殤中從下 係禮集就

金クロカイコ 從父昆弟姓之下殇 夫之叔父之中殤下殤 單言姓者前既以丈夫婦人言之此無嫌也又以前 之者以其為外家之正尊與 繼公謂此服亦男女同外孫為外祖父母小功不報 章例之則為人後者為其昆弟之下殤亦當在此經 注曰見中殤者明中從下 文閥耳

文定四重主書 一 随他集成 者則為之三月不舉祭是以服總也為父如字一骨了了 一庶子為父後者為其母傳曰何以總也傳曰與尊者為 從母之長殤報 體不敢服其私親也然則何以服總也有死于宫中 前章從母成人之服已言報此復見之者嫌其報加 服者或略於殤也 繼公謂見中傷者明其與前係異 疏曰下傳言婦人為夫之族類大功之殤中從下

存亡共之因是以服總者言非若是則不敢服也益 注曰君卒庶子為母大功大夫卒庶子為母三年士 子之於母情雖無窮然禮所不許則其情亦不可得 適子同也有死於宮中則三月不舉祭者吉凶之事 繼公謂為父後者或當為適母後故不服妾母益與 庶子因是為母服總也 班日有 死於宫中者縱是臣僕亦三月不舉祭故此 雖在庶子為母皆如衆人

钦定四車全書 四 傳曰何以總也以名服也大夫以上為庶母無服 士為庶母 疏 言士者承上經之下宜別之且起下文也 服不敢用於妄母也 此則孝子之心可知矣何以不齊衰三月也尊者之 而遂今因有三月不舉祭之禮乃得略伸其服馬觀 曰有母名也云大夫以上無服者以其降故也 公謂大夫以上為庶母無服者以庶母之服總而 · 儀禮 集就

貴臣貴妾傳曰何以總也以其貴也 Ĵ٤ 妻同之妻為此妾服則非有私親者也其有親者宜 此亦士為之也貴臣室老也貴妾長妾也此服似夫 母 降之絕之則此無服亦宜矣 大夫以上無總服故也又大夫以上於其有親者且 以其服服之大夫以上無總服 此亦蒙士為之文也士之妻自養其子若有故或使

次定四車全書 從祖昆弟之子 傳曰何以總也以名服也 鄭氏以為即此乳母是也大夫之子父沒乃為之服 賤者代食之故謂之乳 母其妾子亦然若於大夫之 繼公謂為族曽祖父族祖父族父族昆弟皆總其族 注曰族父母為之服 疏曰有母名也 子則慈母之外又有乳母內則曰大夫之子有食母 係禮泉就

曾孫 章直見曾祖不言高祖以其曾孫為曾高同曾高亦 疏曰據曾祖為之總不言玄孫者此亦如齊衰三月 夫同 服注無言族母者足經意也婦人為夫黨之早屬與 者之輕服故略之而不報與 弟之曾孫族祖父於從父昆弟之孫以其為旁親早 昆弟固相為矣此條則族父報然則族曾祖父於昆 案經但見族父為此

父之姑 たとりはんなり 注日歸孫為祖父之姊妹 為曾孫玄孫同也 其為已之月數也不分適庶者以其果遠略之且不 為孫大功則為曾孫亦宜小功乃在此者以曾孫為 巴齊衰三月故已亦為之總麻三月益不可以過於 繼公謂此曾祖為之服也以本服之差言之為子期 可使其庶者無服也 湖坡鲁克

傳日何以總也以名服也 從母昆弟 疏曰歸孫爾雅文 不言報者亦以非其一定之禮故也 繼公謂此從祖之親乃思者以其為祖父之姊妹於 名謂民弟之名母謂姊妹之子小功子無所從也惟 從母姊妹亦存馬外親之婦人在室適人同

KILL DIE LINE 妻之父母傳曰何以總從服也 **肾明何以總報之也** 也 甥傳曰甥者何也謂吾舅者吾謂之甥何以怨也報之 注日肾女子子之夫也 亦丈夫婦人同 可見矣然則有可從而不從者所以遠别於父族與 以名服之從母以名加此以名服子於母黨其情益 儀禮杂記 九十五

姑之子傅曰何以總報之也 金分四届全書 舅傅曰何以怨從服也 注日從於妻而服之 從於母之大功而總也母於昆弟之為父後者期子 注曰姑之子外兄弟也 繼公謂從期服而總是降於其妻三等矣妻從夫降 乃不從之而服小功者亦可以見從服一定之制矣 一等子從母降二等夫從妻降三等差之宜也

久定四草全套· 舅之子 傳曰何以總從服也 之列不可以無服故或從服而或以名服 子與從母昆弟則以其為尊者至親之子而在兄弟 外祖父母從母舅與母為一體至親也故從服舅之祖父母從母舅舅之子從母之子耳其餘則無服也 此 注曰内兄弟也 與姑之子相為皆男女同也子為母黨服止於 儀禮集在 ルナ 也

夫之姑姊妹之長殤 夫之諸祖父母報 之行而 夫之所為服小功者則妻為之總若於夫之祖父母 夫之姊無在殤者此云姊蓋連妹而立文耳古者三 但言諸者疑文誤且脱也 則 T) 經 取何夫姊之殇之有 所指者其夫之從祖祖父母及從祖父母與 服此者惟其從祖祖父母耳似不必言諸然

從父昆弟之子之長殤昆弟之孫之長殤 傳曰何以總從服也 君母之昆弟 禮當與為人後者同也 子與從母昆弟異於因母也若為父後則服之蓋其 注 此 服亦不報其義與君母之從母同 公謂庶子從君母之服惟止於此不及其昆弟之 曰君母在則不敢不從服君母卒則不服也

次定四車全書

儀禮集說

カナセ

傳曰何 金りて 為夫之從父記弟之妻 此 注 及夫之從父姊妹者文不具耳 毋 從祖父從祖祖父為之服也然則從祖 亦當服之矣 公謂 曰同室者不如居室之親 功章云夫之姑姊妹娣姒婦報是章惟見此服 ۲,۸ 此亦言其所以有服之由也其義與婦如婦 總也以為相與同室則生總之親馬 也 祖母從祖 不

次定四車全書 一 長殤中殤降一等下殤降二等 齊衰之殤中從上大功之殤中從下 注曰齊衰大功皆服其成人也大功之殤中從下則 之等亦與丈夫同 殤也不宜在此蓋脫文也婦人為本族之殤服其降 此主言丈夫為大功以上之殤婦人為夫族齊衰之 小功之殤亦中從下也此主謂妻為夫之親服也凡 以居室之故而有服者同前章詳之矣 · 儀禮集就

麻衣線縁皆既葬除之銀立如常作練 記公子為其母練冠麻麻衣源緣為其妻縓冠葛經帶 繼公謂此亦脫文失其次而在是也 不見者以此求之 注曰公子君之庶子也其或為母謂妾子也麻者怨 麻之經帶也此麻衣者如深衣為不制衰裳變也詩 云麻衣如雪縓淺綘也練冠而麻衣線緣三年練之 右總麻三月

言葛經帶以見之練冠麻葛凶服也先言之麻衣吉 额也此縁皆視其衣冠之布為母但言麻故於為妻 鄒色布為領及純也間傳曰練冠線縁是冠此亦以 衣以十五升布為衣如深衣然其異者緣爾線緣以 若十升布練熟為之與衆人為母為妻之練冠同麻 繼公謂線冠之線亦當作練字之誤也練冠者九升 不得伸權為制此服不奪其恩也為妻葛經帶妻輕 采飾也檀弓曰線練衣黄裹線縁諸侯之妾子為母

次定四車全書

·镁禮華哉

之妾公子之妻視外命婦皆三月而葵 制 服 妾與庶婦厭於其君公子為之不得伸故權為制此 服之本重又小其麻葛之經帶以見不敢為服之意 此 布也後言之文當然爾此二喪本當有練有祥故於 也此為妻之衣冠一與為母同惟以經帶為輕重耳 然君在公子不得伸其服者多矣乃於其母妻特 得用既練之冠既祥之衣與夫練服之飾以明其 此服者為其皆在三年之科與他期服異也諸

欽定四庫全書 1 也君之所為服子亦不敢不服也 傳曰何以不在五服之中也君之所不服子亦不敢服 不敢服者則不止於此也君之所為服問道與尊同 傳以此釋其所以不在五服中之意其實子從君而 君之所厭而不服者也子亦從乎其君而不敢服之 繼公謂君之所不服子亦不敢服者謂其母與妻旨 注曰君之所不服謂妾與庶婦也君之所為服謂夫 人與適婦也 流情,

大夫公之昆弟大夫之子于兄弟降一等 弟之義固或有異而服則同其兄弟之服雖皆已見 雖 於經然亦有不並列三人而言之者故於此明之大 繼 注 并言此以見几公子之服與不服其義皆不在已也 者也君為之服子亦各以其服服之傳又因上文而 與其兄弟同為公子亦降之也三人所以降其 公謂 日兄弟猶言族親也凡不見者以此求之 此言所為之兄弟謂為士者也惟公之民弟 兄

次定四車全書 豆 為 數之異爾此報云者昆弟與姊妹在室者但視其為 為並 為宗子服自太功之親以至親盡者皆齊衰但有月 繼 人後者于兄弟降一等報於所為後之兄弟之子若 注曰言報者嫌其為宗子不降 夫小功而下之親為士者皆不為之服蓋小功降 宇 公謂此為兄弟於本服降一等止謂同父者也禮 總而大夫無總服故也 儀禮集就 百

兄弟皆在他邦加一等不及知父母與兄弟居加 F 母早卒 繼公謂兄弟以旨在他邦而加者為其客死於外 注曰皆在他邦謂行仕出遊若被仇不及知父母父 子之為 功也之子二字當為行文所後者之兄弟凡己所降巴之月第也而服亦齊衰惟姊妹適人者則報以小 巴之月第也而服亦齊衰惟姊妹適人者則報以 等之外者皆是也其有服若無服皆如所後者親 卷十 CHEST STREET, THE PARTY OF THE 等

たとり目とける 傳曰何如則可謂之兄弟傳曰小功以下為兄弟 繼公謂謂之二字似誤亦當作為為兄弟者為兄弟 財 注 其餘則否 弟之加服惟此與姑姊妹女子子適人而無主者也 上若皆在他國則親自親矣若不及知父母則固 也以不及知父母而加者為其有思於已故也凡兄 矣 日於此發兄弟傳者嫌大功以上又加也大功以 儀禮集就 <u></u> 同

金万里 朋 友皆在他邦祖免歸則己免音 故 是乃小功以下之親為兄弟之服者然也然則此等 服也此惟以加一等者為問爾小功以下為兄弟謂 注曰每至祖時則祖祖則去冠代之以免舊說以為 加 疏曰祖免與宗族五世者同 免象冠廣一寸已猶止也 服 不必 不得過於大功矣蓋大功以上皆在親者之限 復加云

たこうら シル 朋友麻 注 弟雖歸其加服故自若也亦足以見親疏之殺矣 朋友祖免兄弟加一等其意正同此云歸則已是兄 國 尤可哀憐故加一等而為之祖免以示其情歸于其 日奉居則經出則否其服吊服也吊服則疑衰也 曰朋友雖無親有同道之思相為服總之經帶檀 則復故而如其常服故曰歸則已也死於他邦者 公謂朋友相為予服如麻也此亦為其客死於 . 美宣集記 15.7

金好四月在書 服皆加麻既葵乃已若非朋友則予之時其服皆與 夫皆疑衰寒雖當事亦素冠也士庶人相為亦然其 之為大夫者服也以是推之則大夫於士若士於大 謂大夫相為錫衰以居當事則弁經此大夫於朋友 未必有朋友之服是記蓋主為大夫以下言之服 服二錫東也疑衰也皆用於臣禮國君不相形則 朋友同所異者退則不服耳疑衰者亦十五升而去 繼公謂天子吊服三錫衰也總衰也疑衰也諸侯吊 数十十

钦定四軍全書 題 夫之所為兄弟服妻降一等 君之所為兄弟服室老降一等 其在夫之昆弟之行者則不從 此惟指妻從夫服者而言如為夫祖父母之類是也 如妾為君為女君之比 君者謂凡有家臣者皆是也與室老對言故曰君亦 數與總錫同則疑於凶故因以名之 其半蓋布縷皆有事者也布縷皆有事則疑於吉升 (養禮,其乾 百四

庶子為後者為其外祖父母從母舅無服不為後如邦 宗子孤為殤大功東小功東皆三月親則月第如邦人 字 為 為後並 如 為其母總則於母黨宜無服也不為後如邦人是君 凡從服皆為所從在三年之科者也庶子為父後者 母與已母之黨或魚服之明矣 注曰言孙有不孙者不孤則族人不為殤服服之 字

大功衰九月其長殤中殤大功衰五月下殤小功衰 五月有大功之親者成人服之齊衰三月卒哭受以 期長殤大功衰九月中殤大功衰七月下殤小功衰 三月有小功之親者成人服之齊衰三月卒哭受以 月數如邦人者與宗子有期之親者成人服之齊衰 孤為殤長殤中殤大功衰下殤小功衰皆如殤服而 不孤謂父有廢疾若年七十而老子代主宗事者也 三月謂與宗子絕屬者也親謂在五屬之內算數也

歌定四車全書 一

. 儀禮集就

族人之親盡者不為服而有親者則或降服或降而 繼公謂此言宗子孤而為殤其服乃如是若不孤則 云皆三月者以其衰雖降月本三月也 疏曰云孙謂無父者也云大功衰小功衰者以其成 及陽皆與絕族者同 小功衰五月其殤與絕族者同有總麻之親者成人 人齊衰故長殤中殤皆在大功衰下殤在小功衰也 服亦如邦人也

改矣怨 柩不可以無服 **敛從廟之廟從墓之墓禮宜同也必服總者親見尸** 則是凡有親而在其所者服皆然也以其非常服而 繼公謂改奏者或以有故而遷葵於他處如文王於 注曰謂境墓以他故崩壞將亡失尸極也其奠如大 如晉惠公於共世子之類是也此惟言總不著其人 王季之類是也或以向者之葵不能如禮後乃更之

钦定四車全書

· 儀禮果說

童子惟當室總 事又略故五屬同之不言其除之之節或既改美則 真故鄭氏以此況彼謂改英之真宜與之同也 言此者以徴改葵之真當如大飯耳蓋祖莫如大飯 不服之與 疏曰當室是代义當家事 主與人為禮於有親者雖思不至不可以無服也 注日童子未冠之稱也當室為父後承家事者為家 案注云從廟之廟從墓之墓禮宜同也

钦定四車全書 凡妾為私兄弟如邦人 傳曰不當室則無怨服也 童子不當室則無總服所以降於成人當室則總所 以異於衆子 注曰私兄弟自其族親也 繼公謂此言惟當室則總是雖父在亦得為之曲禮 曰狐子當室言孤則有不孤者矣 公謂亦嫌屈於其君而為私親或與邦人異也此 人儀禮某就 十四十

大夫吊于命婦錫衰命婦吊于大夫亦錫衰 皆與為人妻者並言於凡適人者及嫁者未嫁者為 其親屬之條中恐讀者不察故記言此以明之 吉笄無首素總 夫相為亦然為其妻往則服之出則否凡婦人相弔 注曰形於命婦命婦死也形於大夫大夫死也服問 經正言妾之服其私親者惟有為父母一條其餘則 曰公為鄉大夫錫衰以居出亦如之當事則弁經大

次定四車全書 事其縷有事其布曰錫 傳曰錫者何也麻之有錫者也錫者十五升抽其半無 繼公謂有錫疑當作滑易蓋二字各有似以傳寫而 注日謂之錫者治其布使之滑易也 者用之則形於其下者不錫衰明矣 亦錫衰矣此記惟見大夫於命婦命婦於大夫者嫌 所吊者異則服或異也大夫命婦之錫衰惟於尊同 繼公謂服問以錫衰為大夫相為之服則命婦相形 展禮集說 百八

哭子折笄首以笄布總傳曰笄有首惡笄之有首也惡 女子子適人者為其父母婦為舅姑惡笄有首以髮卒 則滑易矣所以謂之錫 弔 縷 縷而錫則否蓋凡服以麤細為先後錫不治鏤則其 記未誤之文與以天子吊服差之錫重於總故怨 不 服不可以無所事既不治縷則當治布也治其布 也鄭司農注司服職云錫麻之滑易者也其據此 如 總之細所以差重也然而必有事其布者蓋 治

笄者櫛笄也折笄首者折吉笄之首也吉笄者象笄也 何以言子折笄首而不言婦終之也梅莊

大飾也 繼公謂云有首見惡笄之制也是亦其異於箭笄者 注曰笄有首者若今時刻鏤摘頭矣折其首者為其

衰而壓者之止於是也然則婦人之壓者惟妻為夫 與言并有首而復云以髮見成服以後猶髮且明齊

次定四車全島 图 妾為君女子子在室為父母與此耳以笄之笄著笄

金りり 為笄此傳所謂櫛者疑即彼之樣也益聲相近而轉 之稱也卒哭子折笄首以笄則不復髮矣婦則惡笄 婦也終終喪也言婦惡笄以終喪無折笄首之事故 為櫛耳言子折笄首而不言婦者謂記於始者並言 而見之也下文放此檀号云南宫縚之妻為姑榛以 用布五服婦人皆然持以齊衰章亦不言総故記因 以髽自若也此不微有内夫家外父母家之意総之 女子子與婦之笄髮後乃獨言子折笄首而不及於

次定四車全書 一門 妾為女君君之長子惡笄有首布總 凡衰外削幅裳內削幅幅三狗狗其 笄總與上同乃別見之者明其不髮也然則三年之 幅後四幅也 三年 喪亦有不必髮者矣妾為女君不杖期為君之長子 注日削猶殺也狗者謂辟兩側空中央也凡裳前三 不言婦也傳引記文云笄有首則記之惡字似行 民位非就 百十

疏曰外削幅者謂縫之邊幅鄉外內削幅者謂縫之 吉 者屈中之稱辟攝兩邊相著自然中央空矣 中廣狹任人麤細故祠之辟積亦不言寸數多少但 邊幅鄉內幅三枸者據裳而言謂辟積其骨中也骨 用 繼公謂凡衰謂凡名衰者也衰外削幅者所以別於 衣重而裳輕變其重者以示異足矣故裳不必變 服之制亦如喪冠外畢之類裳幅不變者衣裳同 別以三為限耳注云狗者謂辟兩側空中央者狗

次定四車全書 图 負廣出于適寸廣古縣反適 若齊裳内衰外 吉也凡齊主於裳也故先言之 繼公謂裳內衰外與其削幅之意同亦以衰齊別於 疏曰言若者不定群以其斬者不齊故也 也下云袂屬幅則衰之削幅者惟荣耳 注曰負在背上者也適辟領也負出於辟領外旁 注曰齊緝也緝裳者内展之緝衰者外展之 俱禮永乾

適博四寸出于衰 其長益比於衰與 繼公謂負之廣無定數惟以出於適旁一寸為度也 疏曰以一方布置在背上上畔縫著領下畔垂放之 疏曰此碎領廣四寸據兩相而言 注曰博廣也出於東者旁出衰外也 以在背上故得負名

使連於衣而各出於肩上之兩旁而為適所謂適博 右之度則隨其人之肥瘠而為之闊狹不定也凡吉 繼公謂適辟領之布旁出者也云博四寸又云出於 四寸也以其横之闊狹不定故不著其出於衰之寸 衣皆方翦之所謂方領是也此凶服亦方領其異者 凡為衣必先開當項之處其上下之度相去四寸左 衰則出於衰者非謂其博也然則博者其從之廣與 但剪其上下之相去四寸者而不殊其左右之布

一钦定四庫全書

後禮集武

衰長六寸博四寸 惟孝子乃有之故記先言之也孔子式員版者以其 服 服 繼 子哀戚無所 注曰廣家當心也前有衰後有負板左右有辟領孝 數惟言出於衰而已 最重故爾 弔 公謂五服之屬及錫與疑旨以衰為名則是凡凶 服無不有此衰矣其辟領亦當同之若負板 不 在 彤 長 反直 则

钦定四車全書 題 衣帶下尺 衽二尺有五寸 帶布帶亦存馬 為準豈亦以人有長短之不齊故與帶謂要經也絞 注曰衽所以掩裳際也上正一尺熊尾一尺五寸凡 疏曰其横不著尺寸者人有處細取足為限也 汪曰衣帶下尺者要也廣尺足以掩裳上際也 繼公謂此接衣之布其廣亦無常度惟以去帶一尺

疏 畔一尺五寸去下畔亦六寸横斷之留下一尺為正 破之言也一尺之下從一畔旁入六寸乃邪鄉下一 用布三尺五寸 取布三尺五寸廣一幅留上一尺為正正者正方不 下掩裳際 是則用布三尺五寸得兩條在衽各二尺五寸兩 共用布三尺五寸也然則兩旁皆級於衣垂之鄉 曰裳際者裳兩相下際不合處也云上正一尺者

次是写事 在自 快屬幅馬音 衣二尺有二寸 繼公謂衣謂衰之身也言此於祛袂之間則是除殺 注曰衣自領至骨二尺二寸倍之四尺四寸 蓋如深衣之袂亦反屈之及肘 幅乃著之者嫌凶服之制或異於吉也此袂之長短 繼公謂袂屬幅而不削是綠合之也古者衣袂皆屬 注曰屬猶連也連幅謂不削 燭 儀禮非就 四十四

金少口匠石量 祛尺二寸 衰三升三升有半其冠六升以其冠為受受冠七升 祛之外其祛之廣亦如衣也 持於此見之耳 繼公謂此袂廣二尺二寸而袂尺二寸亦謂園殺 注 注曰衰斬衰也或曰三升半者義服也六升齊衰之 尺如深衣之祛也此衣與祛衽帶下之度吉服亦然 日祛 袖口也 卷十

た三日三日 在上 一天 齊衰四升其冠七升以其冠為受受冠八升 注曰言受以大功之上也 衰布有二其冠以下惟見其一則是斬衰正義之服 或人所解為證也 冠與受布皆同但初死之衰差異耳 繼公謂以其冠為受謂受衰之布與冠布同也此言 疏 下也斬衰變而受之此服也 日注云或曰三升半者義服也注以無正文故引 一樣禮集就 百五

金分四月月十 總衰四升有半其冠八升 注曰此謂諸侯之大夫為天子總衰也服在小功之 等記不著之者益特舉重者以見其餘也 升亦皆以其冠為受其受冠之升数亦多於受服 期有降有正有義正服五升冠八升義服六升冠九 降服也齊衰三年有正有義義服五升冠八升齊衰 繼公謂此齊衰四升其於三年者為正服於期者為 一者欲著其縷之精廳也升數在齊衰之中者不敢

钦定四庫全書 图 一大功八升若九升小功十升若十一升 注曰此以小功受大功之差也不言七升者主於受 服欲其文相直言服降而在大功者衰七升正服衰 不敢以兄弟之服服至尊者用齊衰三月章傅文 五升六升而此總衰四升有半是在齊衰之中也云 衰在小功之上也云升數在齊衰之中者齊衰四升 繼公案注云服在小功之上者謂此經喪服之序總 以兄弟之服服至尊也 (後禮集就

皆有受服受冠其受服當下於本服三等故斬衰受 繼 言受者其謂小功也 義服衰十二升皆以即葛及總麻無受也此大功不 冠為受也其降而在小功者衰十升正服衰十一升 大功之上亦受小功之上皆校三等也以例言之大 以齊衰之下齊衰三等受以大功三等各如其次馬 升其冠皆十升義服九升其冠十一升亦皆以 公謂此齊衰以主小功服各有三等自大功而上

次定四車全書 河 案注云不言七升者主於受服欲其文相直謂記者 服故於大功亦但言八升若九升以當之而不必言 於小功不言十升若十一升不言十二升是主於受 義服之受冠而然也大功受冠亦多於受布一等 等此非有他故益欲以小功之下十二升者為大功 者亦受以小功之上下者則受以小功之中止校二 功之中當受以小功之中大功之下當受以小功之 下如是則可與前之受服者輕重相比而乃不然中 儀禮集就

或如此 儀禮集說卷十 七升是欲其文相直若謂七升者亦受十升而并言 之則大功三而小功二其文不相直也鄭氏之意益

とこりる とう 一人 民放来的 者亦不少然則此傳亦豈必皆知禮者之所為乎而 先儒乃歸之子夏過矣夫傳者之於經記固不盡釋 亦有釋記文者馬則是作傳者又在於作記者之後 傳者惟此篇耳先儒以傳為子夏所作未必然也今 案他篇之有記者多矣未有有傳者也有記而復有 明矣今及傅文其發明禮意者固多而其違悖經義 十子後學者所記是也而此傳則不持釋經文而已 且以記明之漢藝文志言禮經之記顏師古以為七

金与世周在重 於尋求而欲從簡便故分散傳文而移之於經記每 之也苟不盡釋之則必問引其文而釋之也夫如是 者讀之以將以其序為先後反謂作經之後即有傳 條之下馬疑亦如康此於義理雖無甚害然使初學 則其始也必自為一編而置於記後益不敢與經記 作傳之後方有記作記之後又有傳先後紊亂轉生 迷惑則亦未為得也但其從來已处世人皆無識馬 雜也後之儒者見其為經記作傳而別居一處憚

とこうし たい 故予亦不敢妄有釐正也姑識於此以俟後之君子 云 徒禮集商 一百九

| 7.2 do had de | | NOTE THE | | | _ |
|---------------|---|----------|--|--|----------|
| | | | | | ないし ノーニー |
| | | | | | ¥. |
| | | | | | 卷十一 |
| | | | | | |
| | · | | | | |
| | | | | | |